




# सानसेयारि बड'सा

सानसेयारि 'बड'सा' ख्यैरालाइयाव  
स्मानज्यायि जिज्जेर लोब्बा थाव्याय रायथाय, खन्थाय,  
स्ल', स्ल'बाथा आरु दावबायायि थावनि, पार्क  
बाइदिनि स्यायाव लिन्नाय लिन्नायि दैशाय ठर/  
सानसेयारि 'बड'सा' ख्यैरालाइया खेबखानानै  
फोस्वावगेल/  
बड'सायाव लिन्नाययि हुबा खालाम,  
'बड'सा' ख्यै नोथो, जो बयबो आंगो खालाम/  
सानसेयारि बड'सा मावखुलि  
माइबं नोगोर, जोहोलाव दैमालु लामा  
ककाझार, बिदिसि-783370  
Website: www.bodosanewspaper.com

BODOSA ★ A Bodo News Daily ★ Thursday ★ 27 June, 2024 Kokrajhar, BTC, Assam ★ Vol.- 34, Issue No. 92 R.N.I. Regd. No. 40994/91, Assam Govt. Regd. No. IPRD. 40/2006/3, ★ Rs. 8/-

## 2थि खेबनि थाखाय अम बिरलाआ देरहासारनानै लकसभानि बुंथिगिरि सायख 'जाफिनबाय

गोदान दिल्ली, 26 जून:  
लकसभानि गाहाइ बुंथिगिरि  
महैर फिन बिरलाआनो  
सायख 'जाफिनबाय' नुनो  
मोन्दे। 2थि खेबनि थाखाय  
अम बिरलाआ लकसभाआव  
सायख 'जाफिनबाय'।  
गाहाइ मन्थिनि थांखि  
नाजावनायाव अम बिरलाखो  
थिसनफिन्नाय जायो।  
लकसभानि 1थि बुंथिगिरि  
महैर अम बिरलानि मुंखो  
फोसावो।  
अम बिरलाआ लकसभानि  
(□ 5 बिलाइआव)



## आसामनि राइज्यो बेंगिरिआ आइआइटि-जिखौ गावनि मोनफुंथायनि थाखाय मान बाउदों

आइआइटि-जिखौ राइज्यो मुलुगसोलोंसालिफोरनि गोहो बांहेनो  
थाखाय गुसुं समगास्थिनि अरियेन्टेसन हाबाफारि खुंनो खावलायदों

गुवाहाटी, 26 जून: किउएस  
वर्ल्ड रेंकि, 2025 आव गोजौ  
सोलोंथायारि फसंथानफोरनि  
गेजेराव 344 थि मासि मोनो  
हानायनि थाखाय आसामनि  
राइज्यो बेंगिरि गुलाब चान्द  
कटारियाआ दिने राजभवनआव  
खुंनय मोनसे हाबाफारियाव  
आइआइटि-जिनि दिथागिरि  
प्रफेसर देवेन्द्र जालिहाल आरु  
बिथानि हान्जाखौ मान बाउवो।  
मख 'नो गोनांदि, आइआइटि  
गुवाहाटीआ 344 थि थाखोनि



अनगायैबो टाइम्स हायार  
एजुकेसन इम्पेक्ट रेंकि, 2024  
आव एसडिजि 9 (दारिमिन,  
गोदान दिहुनथाय आरु

इनफ्रास्ट्रक्चर) आव मुलुगनां  
थाखोआव 87 थि रेंक,  
रासायनारि बिगियानाव ब्रैथि  
थाखो, फिजिकेल साइन्सआव  
5 थि मासि आरु गासे

सोलोंथायगिरिफोरनि सायाव 7  
थि मासि आरु मिथिंगायारि  
इनडेक्स रेंकि 2024 आव 287  
थि मुंलुगनां रेंकि सिखव 7  
थि रेंक मोनो हायो। मान  
बाउनाय हाबाफारियाव राइज्यो  
बेंगिरि कटारियाआ टिम  
आइआइटि-जिखौ बरायनानै  
बुडोदि, 'बेयो आइआइटि  
गुवाहाटीजो लोगोसे आसामनि  
सुबुंफोरनि थाखाय मोनसे  
गोग्गाथाव बुलि।' राइज्यो  
बेंगिरिया बुडोदि, आइआइटि  
(□ 5 बिलाइआव)

## ढेकियाजुलीआव उन्दै हिन्जावसाखौ हान्जायै जिनाहारि खालामफोरखौ जिउ फोजोबनाय साजा हेनो दाबि दैखादों

माजबत, 26 जून: माजबतनि सासे 9 थाखोनि फरायसुलिखौ  
सा 5 दुथां लाइमोनफोर जिनाहारि खालामनाय जाथायनि  
बारहावाया सिरि जाओबेआवनो फिन ढेकियाजुलीनि अरुन  
साहा बागानआव मोनसे गिखंजाव जाथाय जानायनि खौरं  
मोन्नाय जादों। सासे 15 बोसोर बैसोनि उन्दै हिन्जावसाखौ  
टिउसनफ्राय गिदिनानै फेफिन्नाय समावनो सा 5  
लाइमोनफोर हान्जायै जिनाहारि खालामो। अजद दैखांनय  
बायदिक्ला, ढेकियाजुलीनि 1 नं पलासबस्टिनि साहिदुल  
इस्लाम मुनि लाइमोनजो गुबुन साब्रै लाइमोनफोरबो दफायो।  
ढेकियाजुली पुलिसआ साहिदुलखौ हमदोब्लाबो गुबुन साब्रैखौ  
दासिमबो हमनो हायाखे। बेबायदि थासायियाव खारखोमानानै  
थानाय साब्रै जिनाहारि  
(□ 5 बिलाइआव)

## बाक्सानि सिमलायाव हायुंआरि फेग्रा मुवा बाहायनाइ आरो आयेन बेरेखा फालांगि हेंथा सान फालिदों

बाक्सा, 26 जून: 26 जून,  
2024 ई, बे सानखौ जो बयबो  
मिथिगौ दिनेनि बे दिनआ  
हायुंआरि फेग्रा मुवा बाहायनाय  
आरो आयेन बेरेखा फालांगि  
हेंथायारि सान आरो बे सानखौ  
मुलुगनाडैनो फालियो। बेबादिनो  
दिने बाक्सा जिल्ला सालबारि  
महखुमा बेन्दीनि सिमला पुलिस  
थानानि सिखव थानाय 127 नं  
राजालामायाव बाक्सा जिल्ला  
डिस्ट्रिक्ट हाव फर इमपावामेन्ट  
(□ 5 बिलाइआव)



## बोथोर बिगियान मिरुआ राइज्योआव बारहुंखा, सार-अन्थाइ आरो अखा हानायनि आगु फोरमायथाइ होदों

गुवाहाटी, 26 जून: भरजारआव थानाय आन्सलिक बोथोर  
बिगियान मिरुनि फोरमाइथाय बायदिक्ला, फेगौ 5 साननि  
थाखाय बोथोरनि फैबाय थानाय समफोरखौ फोसावदों। बेखौ  
उनसंनानै 26 जूननिफ्राय 30 जूनसिम राइज्योनि गोबां  
जिल्लाफोरय येल' आरो अरेन्ज प्लार्ट फोसावदों। आन्सलिक  
बोथोर बिगियान मिरुआ फोसावथाइ होनाय बायदियै 26 जून  
बुधवारआव गवालपारा, चिरां, बाक्सा, बरेपेट, बडाइगाव,  
बजाली, तामुलपुर, नलबारि, कामरुप, कार्बि आंलं, गलाघाट,  
लक्षिमपुर, धेमाजि, शिबसागर, सगइदेउ, डिब्रुगड, तिनचुकिया,  
डिमाहासाउ, काछार, हाइलाकान्दि  
(□ 5 बिलाइआव)

## गुवाहाटीआव गोमानाय सा 3 फरायसुलिफोरखौ आसाम पुलिसआ एनजिपि स्टसननिफ्राय बोखांबाय

गुवाहाटी, 26 जून: गुवाहाटी  
पुलिस बिफानआ गावसोरनि  
एक्स हेन्डेलआव मोनसे गेदेशार  
जाफुसारायनि सोमोन्दै बाथा  
फोसायनायखौ नुनो मोन्दे।  
नुनमाति पुलिस थानानि  
सिजिपिडिनि मोनसे हान्जाया  
आरपिएफनि हेफाजाबआव  
थांनय मोनायाव निउ  
जलपाइगुरिनिफ्राय सा 3 उन्दै  
हिन्जावसाफोरखौ बोखांबो  
(□ 5 बिलाइआव)

## मन्दिर बेखेवनायनि उनावनो आसामनि राइज्यो बेंगिरिआ बिमा कामाख्या मन्दिरआव सिबिहैदों

गोबां लाख अन्जिमायाव दावबायफैनाय, गोरोबलायनाय आरो साखोन-  
सिखोन लाखिनायनि थाखाय सिबियारिफोरखौ साबायख 'र बाउदों

गुवाहाटी, 26 जून: आसामनि  
राइज्यो बेंगिरि गुलाब चान्द  
कटारियाजो लोगोसे गिबि  
आइजो अनिता कटारियाआ दिने  
कामाख्या थानसालियाव  
दावबायहैयो आरो बिमा  
कामाख्याखौ सिबियो आरो  
आसामनि गासैबो थाखोनि  
सुबुंफोरनि जौगानायनि थाखाय  
बोर बियो। निवृत्तिनि शक्ति  
थानसालियाव कटारियाआ  
शक्ति पिठआव फुजा होयो।  
बिथाडा हादत आरो गुबुन



हादतनि लाख-लाख शक्ति थानसालियाव फेदोंमोन  
सिबियारिफोरखौबो साबायख'र आरो निलाचल हाजोखौ  
बाउहरो, जायफोरा मुंदांखा  
(□ 5 बिलाइआव)

## सासे अबं गसाय राम सिबियारिआ अयध्यासिम साइकेलजों दावबायगोन रांखान्थियारि हेफाजाब गथायदों बि टि आरनि मावफुं सोद्रोमा अरुप कुमार डेआ

ककाझार, 26 जून:  
बिदिसिनि सदर ककाझारनिफ्राय  
दिने अबं गसाय रामनि सासे  
सिबियारिआ साइकेलजों  
अयध्यासिम दावबायलांबाय।  
मख 'नो गोनांदि, साइकेलजों  
अयध्यानि राम मन्दिर फारसे  
प्रदिप देबनाथ मुनि सासे सुबुंआ  
दावबायनायखौ जागायबाय।  
बिथाडा गुबैयै सासे राम  
सिबियारि, बेनि थाखायनो  
(□ 5 बिलाइआव)



## बिसिआ फिसाइखौ सिखाजों दान्थारदों

जरहात, 26 जून: मरिअनिआव  
गिखंथाव बुथारनाय जाथाय  
जानायनि खौरं मोनाय जादों।  
गावनि बिसिआनो फिसाइनि  
खर'खो दानस'दों। सिखाजों  
(□ 5 बिलाइआव)

## फेन्सि बाजारनि रिभार टर्मिनेलआव वेल्डिं मेसिन बेरफुनानै गोबां मुजिरा मावग्राफोरनि जोखोम

गुवाहाटी, 26 जून: गुवाहाटी  
नोगोरमानि पेन्सि बाजारआव  
मोनसे गिखंथाव मिजिंधिथावे  
जाथाय जानायनि खौरं मोनाय  
(□ 5 बिलाइआव)

## तामुलपुरआव पेट्रलजों बुंफबनाय टैकारआव अर नादों



तामुलपुर, 26 जून: तामुलपुर पुलिस थानानि लांगोनायावनो बे  
गिखंथाव अर खामनाय जाथाया जादों होना मिबथिनो मोनाय  
जादों। थानानि दरखं मोखाडवनो  
(□ 5 बिलाइआव)

## सरुपेताआव मुजिरा मावग्राया दैआव गलानानै जिउ गोमादों

भवानिपुर, 26 जून:  
सरुपेताआव दिने फुडावनो  
ओन्सोलनि सासे मुजिरा  
मावग्रायि गोथे देहाखौ फुखिनि  
दैआव गोजावनानै थाबाय  
थानाय थासायियाव बोखांबो  
हानाय जाथायखौ लानानै  
ओन्सोलनाडैनो दुखुंनोथाव  
(□ 5 बिलाइआव)

## बासुगाव थाना रडआव साखोन सिखोन हाबाफारि सामलायदों



बासुगाव, 26 जून: चिरां जिल्लानि सिमना ओन्सोलआव बासुगाव  
सहरआ दडा बे बासुगाव सहरनि थाना रडआव माखासे लाइमोनफोर  
आरो टर्डआइ कमयुटर सेन्टरनि  
(□ 5 बिलाइआव)

## बगाजुलिआव हाग्रानि मैदेरजों गाग्लोबजानानै सासे फरायसुलिनि जिउ गोमादों

तामुलपुर, 26 जून: तामुलपुर जिल्लानि  
सिखव थानाय भारत-भुटान सिमना  
ओन्सोलयाव मैदेर-सुबुंफोरनि दावहाया  
सोलिगासिनो दडा बेबायदि दावहानि  
गेजेरावनो थांनय हराव हाग्रानि मैदेरजों  
गाग्लोबजानानै सासे फरायसालियाव  
फरायनाय फरायसुलिया जिउ गोमादों।  
जिउ गोमानाय फरायसुलिखौ कुमारिकाता  
हाग्रा डिभिजन बिबानगिरि मावखुलिनि  
सिखव थानाय बगाजुलि शिमलुगुरि  
गामिनि थागिरि अजय बर'नि फिसाजो  
मनिका बर' (14) होन्नानै सिनायथिदों।



मख 'नो गोनांदि, जाग्रा आदार नागिरनानै  
हाग्रानि मैदेर फालोसेआ भारत-भुटान सिमना  
ओन्सोलनि गुबुन गुबुन गामियाव हराव  
हाबनानै न'-बांफोरखौ सिमफायना सिलिखार  
खालामनायनि अनगायैबो बाखिनि माय,  
बारियाव थानाय गय,नारिकलजों लोगोसे  
बायदि मैगं-थाइंगफोरखौ जानानै फोजोबसां  
लांदों। थांनय हरावबो बगाजुलिनि  
शिमलुगुरियाव हाबनानै मैदेर फालोनिफ्राय  
मासे मैदेर आलादायै फैनानै अजय बर'नि  
गंसे न'नि बेरखौ सिमफायना मायफोरखौ  
जानानै  
(□ 5 बिलाइआव)

## सापकाटा पुलिसआ मुलुगनां ड्रागस आरो फालांगि बेरेखा सान फालिदों

गसाइगाव, 26 जून: दिने  
मुलुगनां ड्रागस आरो फालांगि  
बेरेखा सानजों लोब्बा लाखिनानै  
गसाइगावनि सापकाटा पुलिस  
आउट पस्टनि बान्जायनायाव  
उन्दै-उन्दै फरायसाफोर आरो  
जायगानि सांग्रां नोगोरारिफोरजों  
लोगोसे माखासे दोलो-  
आफादफोरखौ लानानै मोनसे  
सांग्रांथियारि हान्जा सुरनाय



हाबाफारि खुडो। मख 'नो  
गोनांदि दुलाराइ हादतजों  
लोगोसे दिने गसाइगावनि  
सापकाटा पुलिस आउट

## बिहालीआव नंखाय रांजों लोगोसे फालांगिरिखौ हमदों

बिहाली, 26 जून: बुधवारखालि बिहालीनि जिनजियाआव  
पुलिसआ मोनसे स्नोद सुलुखौ बिथा खालामनानै गोबां बिबानि  
नंखाय रां बोखांबो हानायनि खौरं मोनाय जादों। मिबथिनो  
मोन्नाय बायदिक्ला, बिश्वनाथ सासिआलिनिफ्राय लक्षिमपुर  
फारसे थांग्रा अनामिका बासनिफ्राय गासै 3,50,500 नंखाय रां  
बोखांबो हायो। बेनि अनगायैबो लक्षिमपुर जिल्लानि  
बडलमारनि मिनारा बेगम मुनि सासे आइजोखौ नंखाय रां  
फालांगि खालामनायनि अजदआव हमनाय जायो। आइजोआ  
रांखौ बेगआव लानानै थांबाय थानाय समावनो जिनजीया  
पुलिसआ गारिनिफ्राय आइजोखौ हमनो हायो। मिनारा बेगमनि  
न'आ लक्षिमपुर जिल्लानि बडलमारनि 2 नं इस्लामपुरआव।  
बोखांबो हानाय नंखाय रांनि  
(□ 5 बिलाइआव)

## बडाइगावआव सिनायमोनै सुबुंनि गुलि गावनायाव पन्चायतनि गाहाइ बिबानगिरिनि जिउ खहा

बडाइगाव, 26 जून:  
बडाइगावआव सिनायमोनै  
दुथांआ गुलि गावनानै गिखंथाव  
थासायि सोमजिहोनायनि खौरं  
मोन्नाय जादों। बे गिखंथाव  
गुलि गावनार्यनि जाहोनाव चन्द्र  
(□ 5 बिलाइआव)

पस्टआव मुलुगनां ड्रागस आरो  
फालांगि बेरेखा सान फालियो।  
सापकाटा आउट पस्ट पुलिसनि  
गाहाइ बिबानगिरि शिव प्रसाद  
कलिटानि दैदेनायाव सापकाटा  
आनन्दमत जातिय बिद्यालयनि  
उन्दै-उन्दै फरायसुला-  
फरायसुलिफोरजों लोगोसे  
सापकाटा ओन्सोलनि सांग्रां  
(□ 5 बिलाइआव)



## सुजुगिरिनि खोलोम

### समजों गोरोबनाय आगान

जॉनि हादतआ दरसे सुबुं खुंथाय हादत। हादतनि मोनफ्रोमबो मावोनो गोनां हाबाखो सावरायनाय थॉखि लानाय जायो। हादतआव बिसायख थि खुंथाय, बेनि फिथायबो ओंखारबाय, गोबां मासि मोन्याय हान्जाया सरकारबो दानानै बिबान सामलायबाय। बे सुबुं आफादनि बुंथिगिरिनि मासिखो लानानैने दासान्दि खुंथाय हान्जा आरो बरेखा हान्जानि गेजेराव बे मासिखो मोन्याय-मोनैनि सानलाय-हलाय खालामनाय नुनो मोन्याय जादों। सुबुं आफादयाव सायख' हजानाय साफ्रोमबो सोद्रोमाफोर गावबा गाव ओन्सोलनि बाइदिसिना जेना-जेंसि, दाबि-दावा, मोनो गोनां रहा-खाबुफोरखो सुबुं आफादयाव बुंनानै खुंथाय हान्जानि नोजोर बोनायनि खाबु मोनो। बिब्दिजोंसो मोनफा मोनफा सुबुं आफाद ओन्सोलफोरा जौगालु हाबानि बिथांखिफोरखो लाबोनो रहा मोनो। सुबुं आफादयावो हादतनि गिदित थॉखि आजावनायाव मैखोम बिफाव लानाय जायो। बे सुबुं आफादनि बुंथिगिरि मासिखो लानानैने दासान्दि खुंथाय हान्जा आरो बरेखा हान्जानि गेजेराव गोरोबलायनो हायै सोफेनायनि थाखायनो बिसायख थिनि गेजेरजों बोखोनो रहा लानायखो नुनो मोन्दों। सोलिफु जिडाइनिथि सुबुं आफादनि बिसायख थिथायव गोखों बरेखा हान्जा फेनार्यनि जाउनाव खुंथाय हान्जायाबो उन-सिगां सानानै सोलिनो गोनां जानायखो नुनो मोनो। इयुनाव थासारिया मा महर लायो बेखो समआसो रोखा खालामसिगोन।

साफ्रोमबो सुबुंफोरानो उदां गोसोथे मावै-दाडे सोलिनो हानायनि मोन्थाय दड। नाथाय बिब्दि होनानै समाजनि खहा जाथावना हाबा मावनानै, एखनब्ला नंखाय बाश्रा बुंनानै गावनि मुलाफ्फनि थाखाय जानो नाड। समाजआव नंखाय रावजों अर सुनानै गुलुं-गुजुं थासारि लाबोनायखो सुबुंफोर आथिखालनि समाव गनायनो गोब्राब मोनो। मानोना बिब्दि थासारिया समाजआव खहासो लाबोयो। इयुन जोलै लाइमोनफोरनि फासंबो बेनि गात्रि गोहोम गोलेनाय नड होनानै बुंनो हाया। नंखाथे फोसावनाय खौरफोरानो सम सम समाजआव गुलुं गुजुं थासारि लाबोनाय सुबुंफोरनि गेजेराव गिनाय, गात्रि मोन्याय, मुगैलायनाय आरो दावराव-दावसि लाबोनायखो सम सम नुनो मोनो। राजखाथि हान्जानो गोबांसिने समाजखो बोखावनायै लाखिनायखोबो जों नुनो मोन्याय जायो। राजखाथि हान्जाफोरनि मोनसेया गुबुन मोनसेखो माल्बाबाबो मोजां होनानै बुंनाय नुनो मोना। नौनारि सुबुंफोरनि अन्सायारि हाबा, जौगालु हाबाफोर मावनायनि सायावबो जायखि-जाया दोलो-हान्जाफोर माल्बाबाबो मोजां होनानै बुंनाय नुनो मोन्याय जाया। राजखाथिनि धोरोमा बेनो। गावनि थाथायखो हमाथानानै लाखिनो जायखि-जाया बेसेन होनानैबलाबो बेयो हारिनि ख' हयानो जाथों, अन्बाबो थॉखिनिफ्राय दोरोदनाय नुनो मोन्याय जाया। मोजां-गात्रि मोनैखोबो लानानै सोलिनो हायाब्ला थावरिनांगोया गोब्राब जाहैखामोन। बे मिजिथिखो लानानैने आगान सुरनो नाजादों बरेखा हान्जाया। थानाय मोनै सुबुं आफादनि बिसायख थिथायव एसेल थार मासि मोनो हानाय क्रेग्रेसआ बे खेबनि बिसायख थिथायव गुजिगु मासि मोनानै बेनि थुलुंगा मोनानै गोखों जानायखो नुनो मोन्याय जादों।

सुबुं आफादनि बिसायख थि खुंजानायनि उनाव फेगौ बोसोरव बड'लेन्ड हालामनिबो बिसायख थि खुंजानो। बेनि बोसोरसे उनाव फिन राइज्यो बिधान सभानि बिसायख थि फेगोन। बेनि सिगा सिगां सुबुं आफादनि बिसायख थिथायव देरहालानानै लान्दां जानानै थानाय मोनबा बिधान सभा बियाबफोरव उफ्रा बिसायख थि खुंनंगौ जागोन। फेगौ समनि बेफोर बिसायख थिथायवबो सिगांफोरनि बादिनो जैरेबो-जेरावबो फोसावदिनाय, सुबुं हान्जा सुरनाय, बाइक-साइकेल रेलि खुंनाय, मेल-मिटि खुंनाय जागोन। जायगा-जायगा दावराव-दावसि जाथायफोरबो सोमजिनाय नड होनानै बुंनो हाया। बिसायख थिनि मुडव समाजनि गेजेराव गात्रि जाथायफोर जाहाथे सोमजिनानै समाजनि खहा लाबोनो हाया बेनि थाखाय समाजआनो सांग्रां जानांगोन। माबा मोनसे हाबा खुंनारनि मुडव ओन्सोलाव, समाजआव गुबुले थासारि सोमजिफेनो हाया बेनि थाखाय सुबुंफोर सांग्रां जायोब्लासो ओन्सोलाव गोजोन थासारिखो हमाथानानै लाखिलानो हागोन।

## दिनैनि फान्जामुधि

### राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ)  
 कर्कट : ड ह सिंह : म ट कन्या : प ट (ण ष)  
 तुला : त र बृश्चिक : ब न धनु : ध भ (ढ फ)  
 मकर : ख ज कुम्भ : ग श (स) मीन : द च (ख ज झ)

- मेघ:** माबा मोनसे मुवा-बेसाद मोनो हागौ। गोसोखो गोजोन मोनगोन। मोजां सान।
- वृष:** जेखि जाया खामानि माबा मुलाम्फाखो मोनो हागोन। जैरेबो गोजोन मोनो हागोन।
- मिथुन:** माबा मोनसे मोजां मिजि थिनानै दोनो हागोन। दिनैनि दिनआ मोजां सान।
- कर्कट:** माखौबा लानानै रगा जौनाय दुंहाव थासारि सोमजिनो हागौ। गोसो हमाथानाया गाहाम।
- सिंह:** गोथार खामानिखो मावनो नाड। बे राशिनि थाखाय अशुभ सम। गोसोखो हमाथा।
- कन्या:** माबाफोर गात्रि जेनायाव गोलेनो हागौ। जैरेबो सांग्रां जानानै थानांगोन।
- तुला:** रावजोंबो लोगो लाजायै एबा लोगो गैयै जालानो हागौ। गोसो हमाथानानै सोलिनांगोन।
- बृश्चिक:** माखौबा लानानै गिनाय सोमजिनो हागौ। गोसोखो लोरबां लानो नाड।
- धनु:** मावनाय-दानाय जेरावबो गोखों नडे जालानो हागौ। सान्नायफोर फेलें थांगोन।
- मकर:** गोसोआ माखौबा लानानै अहंखार जानाय, बोराबनाय जानो हागौ। जेखि जाया गोसो हमाथा।
- कुम्भ:** गावखौनो गाव थगायनानै लानो नाड। जेनायाव गोलेनो हागौ। गोसोखो हमाथा।
- मीन:** मानिबा थाखाय रं खरसा जानो हागौ। सांग्राडे रं बाहायनांगोन।

# संसदआव राहुल गान्धीखो गोजाम नुथायाव नुनो मोन्दों

गोदान दिल्ली, 26 जुन : दिनै लक सभायाव बरेखा दोलोनि दैदेनगिरिया बे राहुल गान्धीआ जेब्ला संसदआव सौहैयो अन्ला बिनि गान्नाय जोमनायाव सोलायनायखो नुनो मोन्याय जादों। राहुल गान्धीखो दिनै गावनि गोजाम ड्रेस पाइजामा कुर्तायाव नुनो मोनफिन्दों, जायनि उननिफ्रायनो बिनि ड्रेसखो लानानै गोबां सावरायगसिनो दड। थानाय माखासे बोसोरनिफ्रायनो जों बयबो राहुल गान्धीखो गुफुर टि-शाटआव नुनो मोन्यासिनो दड। नाथाय बेनि सिगां राहुलआ कुर्ता



पाइजामाबो गानोमोन, जायखो लानानै गोबां सावरायनाय जादोंमोन। नाथाय बावैसो बोसोरनि गेजेराव बिखो गुफुर

टि-शाटआव' नुनो मोन्दों। राहुल गान्धीया गावनि जोनोम साननि (19 जुन) आव हवाइट टि-शाट'गान्धा केम्पेन खालामनो

जागायदोंमोन। बे समाव बिथाड बुंदोंमोनदि, बे टि-शाट'आ सैथो आरो जौगाखानायखो दिन्थियो

बिथाड मोनसे एक्स पस्टआव बुडोदि, गासैनोबो जोनोम साननि हामलाइथि बाउहरनायनि थाखाय साबायखर बाउहरबाय बेजों लोगोसे बिथाड सुबुंफोरखो गावनि केम्पेनआव बाहागो लानो थाखायबो खावलायदों। राहुल गान्धीया गावनि जोनोम साननि समाव बिनानाव प्रियंका गान्धी बाइडानि गोदान दिल्लीयाव थानाय पार्टीनि गाहाइ मावख'आव सौहैयो। बेयाव बिथाड केक हानानै जोनोम सान फालियो। बे समाव सनिया गान्धीनि न' 10

जनपथ आरो पार्टीनि गाहाइ मावख'नि खाथि-खालायाव मावसुमाफोर आरो दैदेनगिरिफोरा बेनार लागायो। राहुल गान्धीया भारत जड यात्रानि समावनो गुफुर टि-शाट' गान्नायखो जागायदोंमोन। बेनि उननिफ्राय बिखो दावबायनायाव गुफुर टि-शाट'आव नुनो मोन्दोंमोन। बिनि ड्रेसखो लानानै सुबुंफोरा गोबां सावरायदोंमोन। बेनि उनाव बे बोसोरनि जोनोम सानाव राहुल गान्धीया बे गासै सौनायफोरनि फिन्नायखो गावनि मोनसे डुइटाव होयो।

## कंग्रेसनि अजद दैखांनायाव सिबिआइआ अरबिन्द केजरिवालखो ग्रेप्टार खालामबाय

गोदान दिल्ली, 26 जुन: आबकारि गेना खाथिथाय सिबिआइआ दिनै बुधवारखालि कर्टनि गनायथियाव दिल्लीनि गिबि मन्थि अरबिन्द केजरिवालखो ग्रेप्टार खालामो। सिबिआइनि गेजेरजों के जरिवालखो ग्रेप्टार खालामनायखो लानानै आरो आदमी पार्टी बिजेपिनि गेजेराव दाय जाबसिन्यायआ जागायो। आपनि दैदेनगिरिफोरा मिरु सरकारनि सायाव केजरिवालनि हँथायै खँसार सानायनि दाय जाबसिनो। बिजेपिआवो आपनि सायाव दाय जाबसिनफिनो। राइज्यो आफादगिरि विरेन्द्र सचदेवाआ बुडोदि, गिबि मन्थिनाव सिबिआइनि जेरा सेबनाय आरो गेजेरजों रावहाबो जेबो रोखेमनि खहा जायाखै। मानोना बिखो गोजाम



केसआवसो ग्रेप्टार खालामदों। बिथाड बुंदों, दन्जय सिंह आरो गुबुन आप दैदेनगिरिफोरा बेनि सोमोन्दे कंग्रेसनाव सोंथि सौनांगो। आपनि राजखाथियारि हेफाजाबगिरि कंग्रेसनि अजद दैखांनायनि सायाव थानाय 2022 निफ्राय सिबिआइआ बे केसखो नाइबिजिरगसिनो दड। नाइबिजिरगा एजेन्सिआ आम आदमी पार्टीनाव सौनानै नाइबिजिराखै। बबेखानि एजेन्सिआ गावसिनि थि हाबाफारि बायदियै खोलोबनि गेजेरजों नाइबिजिरदों। नाइबिजिरगा एजेन्सिफोरनि

नाइबिजिरनायनि सायाव नंखाय बिबुथि होनाया आपनि गोजाम आखु। बेबायदियै बिसोर गावसोरखो भुगिनांनया महरै दिन्थिनानै सुबुंफोरनिफ्राय हेफाजाब लानो नाजायो। नाथाय आथिखालाव सुबुंफोरा बिसोरनि सैथोखो मिबथिबाय आरो नाइबिजिरनायखो आवगाय होनायजों लोगोसेनो आप दैदेनगिरिफोरनि आखुबाबो बयनिबो सिगाडाव नुजाथिगसिनो दड।

## जर'खा बिजिरसालिआ एस आइ टि रिपर्टखो नेवसिगारदों

गुवाहाटी, 26 जुन: जर'खा बिजिरगिरिनि बिजिरसालिया आसाम लकसभा आयग (एपिएससि) थिसन्नाय गेना खाथिथिखो नायबिजिरनायाव हँथा होनानै जर'खा नायबिजिरगा दोलो (एसआइटी) नि रिपर्टखो नेवसिगारो आरो नायबिजिरफिनो बिथोन होयो। बिजिरसालिया नायबिजिरगा बिबानगिरिखो बोखारनोबो बिथोन होदों। आजिरा लानाय बिजिरगिरि बिप्लव कुमार शर्मानि दैदेनाय सासे सोद्रोमायारि आयगआ गासै सा 50 बिबानगिरिफोरनि सायाव एपिएससिनि गेजेरजों खुंनाय 2013 आरो 2014 नि सिइइयाव आयेन बरेखायै साखिफोर होनायनि दाय जाबसिन्दोंमोन। शर्मा आयगनि रिपर्ट, जायखो



आसाम सरकारआ गोबां समसिम होबथाना लाखिदों, बेयो एसआइटी दानायनि जाहोन जादों। आथिखालाव एसआइटीनि नायबिजिरनाया गोब्राबे जिंगा सिनाय सोमजिहोदों। आइपिएस बिबानगिरिफोरनि दैदेनायाव एमपि गुप्ता, जायनिनाय सिआइडिनि एडिजिपिनि बिबानबो दड आरो एसआइटीआ

गोब्राबे माखासे दायनिगिरि बिबानगिरिफोरनाव जेरा सेबदों। नाथाय सा 5 खौल' ग्रेप्टार खालामदों। शर्मा आयगनि दाय थासेयावबो गुबुन सा 21 बिबानगिरिफोरखौल' सास्पेन्ड खालामना लाखिदों आरो माखासे गुबुनफेग खामानि मावगसिनो दड। एसआइटीनि चार्जिशेटजों जेनाया गोथौसिन जादों।

## मणिपुरनि दर 7 गामिफोराव सिग्रोमना गोबां हाथियार बोखानो मोन्दों

इम्फल, 26 जुन: बिएसएफ, आसाम राइफल्स आरो मणिपुर पुलिसनि मोनसे जुथाय हान्जाया मणिपुरनि गासै दर 7 गामिफोराव सिग्रोमदों आरो राइज्योनि सिमनाजों नांजाबनाय ओन्सोल, सन्देह गोनां जायगाफोरव सांग्रां हाथियार दैगा दुथांफोरनि केम्पफोरवबो दोनखोमानाय हाथियारफोरखो सिग्रोमो। हाथियार आरो गुलि-बारुद दोनखोमानायनि जर'खा सुलुंनि खौरांखो बिथा खालामनानै मंगलबारआव सिग्रोमो। जुथाय हान्जाया नागाफोरनि गोदोम गोनां ननी जिल्लानि मंजारंग खुनु आरो अल्ड नुनां गामियाव अपारेशन खालामो। चुरचान्दपुर जिल्लानि लैलइफाइ, डंजां आरो हेंकेन गामिफोराव सिग्रोमो, जेराव गाहामे कुकि ज' सुबुंफोर दड। उनाव जुथाइ हान्जाया तैनीपाल जिल्लानि माअजां गामियाव दुथांफोरा केम्प खालामना थानायफोरावबो सिग्रोमो। काकचिं जिल्लानि पुरुम



खुलेलेन गामिनि हाजो सारि-सारिआव गाहायै मैइतिफोर दड। सिग्रोमहैना हान्जाया हाथियार, गुलि, बमा आरो गुबुन हाथियारफोरखो मोनो। अपारेशनआव गंसे 5.56 एचके एसलार राइफल, गंसे 7.62 राइफल, गंसे मेगजिनजों लोगोसे गंसे कार्बाइन मेसिन गान, मेगजिनजों लोगोसे गं 32 पिस्तल, थर 3 लेथड ग्रेनेड, गंसे हेन्डहेल्ड रेडिय सेट, गं 3 लाइभ राउन्ड बोखानो मोनो। लोगोसेनो गंसे टैकिटके ल पाउच, गं 3 बुलेट प्रूफ जेकेट, गंसे जायगायावनो बानायनाय पम्पी, गं 4 एसबिबिएल पिस्तल, गंसे सिग-सायार

पिस्तौल, थर 3 आइइडि,

थरसे स्लिं, बेटारिजों लोगोसे गं 3 टिएसि फन, गांसे कम्बेट ड्रेस आरो गांसे स्लिपिं बैग बोखानो मोनो। अदेबानि अपारेशनआव सासेबो सुबुंखो हमनो मोनाखै। बोखानो मोन्याय हाथियारफोरखो उननि नायबिजिरनायनि थाखाय पुलिस स्टेसनआव गथायनाय जायो होन्ना रिपर्टआव मिबथिहोदों।

## भारत-म्यानमार सिमना साखाथियाव मिज'राम पुलिसआ 1.16 कौटि बेसेननि हेरइन बोखानों



आइजल, 26 जुन : मिज'राम पुलिसआ भारत-म्यानमार सिमना साखाथियाव चाम्फाइ जिल्लानि जखावथर पुलिसआ नेम-खाथि बायदियै सिग्रोमनाय समाव 3.866 किल'ग्राम हेरइनखो बोखानो मोनो। बिबानगिरिफोरनि बायदिब्ला, पुलिसआ लेन्ड कास्टम बिर्लिडनि साखाथियाव गंसे कारआव मोन 3 नायलननि बस्ता मोनो, जायखो नुना सन्देह' सिखारो। आइजिपि लालबियाकथना खियांगरेआ फोस्फोरदोंदि, सिग्रोमनायनि थाखाय थि हाबाफारि लानायनि उनाव साखि सुबुंफोरनि नुजाथिनायाव बै बस्ताफोरखो खेवनानै नायो, जेराव 330 साबुन बाखसुआव 3.866 कि:ग्रा लिथिआइनि हेरइन मोनो। बोखानो मोन्याय हेरइनि बेसेना बाजारव 1,15,98,000 रं जागोन होन्ना बुंनाय जादों। नाथाय बै बस्ताफोरनि बिगुमाया रावबो सिखारखै होन्ना आइजिपिया बुंदों। जखावथर पुलिसआ एनडि एन्ड पिएस एक्टनि आर्टिकल 21 (सि) नि गेजेरजों बेनि मोनसे केस थिसनो। बेनि केस नाम्बराआ 55/24 होन्नाबो मिबथिहोदों।

## आगरतला रेलवे स्टेशनआव आइन बरेखायै हाबनो नागिरनाय साब्रै बांलादेशनि सुबुंखो खादों

आगरतला, 26 जुन : 25 जुनआव हर गेजेरनि मोनसे अपारेशनआव त्रिपुरानि आगरतला रेलवे स्टेशनआव सरकारि रेलवे पुलिसआ आइन बरेखा महरै भारतआव हाबफेनो नागिरनाय साबा सुबुंखो हमादों। बे हमाथाय साब्रै बांलादेशनि आइजोफोर आरो सासे हौवा भारतीय दालालआव दंफायोमोन। बिबानगिरिफोर सन्देह' खालामदोंदि, बिसोरों बांलादेशि नोगोरारिनि, जायनि सिनायथिया थ्रिमती भिम सुल्ताना (23) रुबेया सुल्ताना (20) उर्फ आशा, रिनु बेगम (28) आरो ज्योति खातुन (20) नि महराव सिनायथिदों, अहमदाबाद आरो पुणे बायदि भारतीय सहरफोरआव खामानि मावनो खाबु नागिरबाय थामदोंमोन। गोखैयै बिसोरनाव भारतनि सिडाव दावबायफेनो थाखाय रोखा फोरमानलाइनि आंखाल दंमोन। सान्याय जादोंदि, त्रिपुरानि सिपाहिजाला जिल्लानि भारतीय दालाल, महम्मद काशेम मिया (24) आ



बिसोरखो आइन बरेखायै हाबनायाव हेफाजाब होदोंमोन। आगरतला सिआरपि पुलिस स्टेशनआव जाथायखो थिसन्नाय जादों आरो गासिबो साबा सुबुंखो गाबोन बिजिरसालियाव नुजाहोगोनखो आसा दड।

अनामिका नाजरी कक्राझार



# मेघालयनि गिबि मन्थि सांमानि बिसि मेहताबआ गाबेग्रे बिसायख थिनि बिजाथि फारिलाइआव दंफायो

शिल, 26 जुन: मेघालयनि गिबि मन्थि कनराड सांमानि बिसि मेहताब चान्दिआ गाबेग्रे बियाबनि खुं जानो गोनां उफ्रा बिसायख थिनि थाखाय जौसिन दाबि दैखांगिरिफोरनि गेजेराव सासे। बावैसो सिगां जोबलानाय लकसभा बिसायख थिफोराव गोखों जेन्नायजों मोगा-मोगि जानानायनि उनाव नेसनेल पिपुल्स पार्टी (एनपिपि) आ जानो गोनां गाबेग्रे बियाबनि उफ्रा बिसायख थिनि थाखाय गोखों थियारि जाफिन्दों आरो दोलोनि दैदेनगिरिफोरा बिजाथिफोरनि मुं सायख नायाव नांथाबदों। सुलुंनि



बादिब्ला, खुंथायाव थानाय दोलोनि बिसायख थि फारिलाइआव गिबि मन्थि सांमानि बिसि मेहताब चान्दि, बिनानाव आगाथा सांमा आरो जोबथा महर होनाय जायखै। सुलुंनि बादिब्ला, सासे एनपिपि दैदेनगिरिनि गथायनाय फिन्नायखौ लानानै बुंनय जादोंदि, दोलो मावफारियाफोरा जर खायै मेहताब चान्दि आरो आगाथा सांमाखौ जानो गोनां बिसायख थिआव बादायनो थाखाय हेफाजाब होगासिनो। बे समावनो लिनेकार सांमा, राकेश, एम्ब्रस चौधुरिनि मुड सोराडव फेदों। मराक, नेहरु सांमा बिथांमोननि मुडाबो फारिलाइआव दंड।

जोबथा महर होनाय जायखै। सुलुंनि बादिब्ला, सासे एनपिपि दैदेनगिरिनि गथायनाय फिन्नायखौ लानानै बुंनय जादोंदि, दोलो मावफारियाफोरा जर खायै मेहताब चान्दि आरो आगाथा सांमाखौ जानो गोनां बिसायख थिआव बादायनो थाखाय हेफाजाब होगासिनो। बे समावनो लिनेकार सांमा, राकेश, एम्ब्रस चौधुरिनि मुड सोराडव फेदों। मराक, नेहरु सांमा बिथांमोननि मुडाबो फारिलाइआव दंड।

# दिल्ली-एनसिआरआव मौसुमि बोथोरा आगान हाफैसिगोन

गोदान दिल्ली, 26 जुन : हादतनि माखासे राइज्योफोराव मौसुमि बोथोरा आगान हाफैखोबाय। बेगफासे, दिल्लीजों लोगोसे सा भारतआव मौसुमि बोथोखौ उसु-खुथुयै नेगासिनो दड। बोथोर बिफाननि बायदिब्ला, राजथावनियाव मौसुमि बोथोर बिफाननि बायदिब्ला राजथावनियाव मौसुमि बोथोर दान जोबजासिम थानो हागौ। दिल्लीनि थगिबिफोरा जोबोद गरमनिफ्राय रेहाय मोन्दों। बेरा फासे गरमा सुबुंफोरखौ जेनायाव खोखलै बावदों। दिल्लीयाव समबारनिफ्रायनो अखाडव जोमै



सागलोबनारनि जाहोनाव सुबुंफोर जोबोद गरमनिफ्राय रेहाय मोन्दों। बिफाननि बुंनय बायदिब्ला, दिल्लीयाव दिनेबो फेगौ 24-48 घन्टानि गेजेराव जोमै सागलोबगोन आरो माखासे ओन्सोलफोराव गोखों बारजों लोगोसे गेजेर थाखोनि अखा हानो हागौ। बबेखानि बिफानआ दिल्लीयाव फेगौ 1 जुलाइसिमाव गोबां अखा नि सन्देह' फोरमायनाय येल' एलार्ट फोसावदों। दिल्लीनि अनगायै गवा, कर्नाटक, केरला, तामिलनाडु, पडुचेरि, मध्य प्रदेश, बिहार, सोनाब बंग' अरुणाचल प्रदेश, आन्डमान आरो निकबार द्विप हान्जायाव गोबां अखा हानायनि सन्देह' फोरमायदों। बोथोर बिफानआ मौसुमि बोथोरखौ लानानैओ अपडेट होदों, जाय फेनायनि उनाव दिल्लीयाव सानफ्रोमबो अखा हागोन। बेजों जोबोद गरमनिफ्राय रेहाय मोनो

हागौ। फारसेथि इउपियाव मौसुमि बोथोरा एक्टिभ जाखांबाय। बेयाव अखाजों लोगोसे गरमाबो सुबुंफोरखौ जेना गोनां खालामदों। लक्ष्नीजों लोगोसे राइज्योनि माखासे जिल्लाफोराव मंगलबारखालि सरसन्सा अखा हानायजों बोथोरा गोजोन जायो। बेनि गोहोमखौ बुधबारवबो नुनो मोन्दों। गरखपुरजों लोगोसे माखासे जिल्लाफोराव बुधबार फुनिक्रायनो अखा हागासिनो दड। बेयाव मेक्सिमाम बोथोरव बांनय आरो मिनिमाम बिदुडाव दावखलायनायखौ दिखानो मोन्नाय जादों। बिहारनि माखासे जिल्लाफोरावबो बुधबार फुडव जोमैया सागलोबगोन। राजथाविनि पाटनाजों लोगोसे गासै जिल्लाफोराव दिनेनिफ्राय अखा हानाया जागायनायनि मिजिं दड।

**कुइक वाटर सिस्टमआव गोहो जगारनारनि लोब्लाजों मोबिलिआरि खामानि**

टेन्डर नं: आरएनएड-इएल-ए-01-2024-25। गाहायाव फोरमायनाव खामानिनि थाखाय मुंसायगिरिआ इ-टेन्डर होखायहदों। खामानिनि मुं: रडिया स्टेशनार कुइक वाटर सिस्टमआव गोहो जगारनारनि लोब्लाजों मोबिलिआरि खामानि। टेन्डरनि बेसेन: 15.55.704,79 रं। अग्रिम रं: 31,100.00 रं। इ-टेन्डर बन्द जानायनि अक्ट' आरो सम: 19-07-2024 अक्ट'नि 15:00 सिमाय। गोजीयाव फोरमायनाय इ-टेन्डरनि टेन्डर लाइजों लोगोसे आबु फोरमायथिखौ वेबसाइट [www.ireps.gov.in](http://www.ireps.gov.in) आव मोनो हागोन।

**सिनियर डिइड/रडिया सा-सान्सा सिमाना देलव**

"मिनिरुयै ग्राहकफोरनिदिम सिधियाय"

# त्रिपुरा बिएसएफआ मिलेट बाहायनायनि सायाव जर खा सेमिनार खुंदों

आगरतला, 26 जुन : बिएसएफ त्रिपुरा फ्रन्टियरआ दिने सिमना गार्डफोरनि सायाव नख 'रफोरनि गेजेराव मिलेट बाहायनायखौ थुलुगा होनो थाखाय मोनसे जर खा जथुमा (सेमिनार) खुंदों।



2023 माइथायनि मद्यत्री देरहासारगिरि खादार मली, जायखौ भारतनि मिलेट मेन होन्ना मिबथिनाय जायो। बिथाडा सेमिनारखौ सामलायो। बिथाडा जर खा बिबुंथि लाखिनानै गोगो सावस्त्रियै जिउ खुंनारनि थाखाय मिलेटनि मुलाम्फाफोरनि बागै मिबथिहोयो। मिलेटआव भिटामिन खनिमुवा, फाइबर बायदिब्ला आबुडै मोन्नाय जायो आरो बेयाव आसार-खांथियै मावबोनाय फसलफोरनि रुजुनायाव बांसिन पषण तथ्य थायो।

महैरे गनायथि होदों। सेमिनारनि समाव गागि बिबानगिरिफोर, सान्थि आरो बिसोरनि नख 'रफोरनि सोद्रोमाफोरा बाहागो लादोंमोन। सेमिनार खुंथाइनि उनाव बिएसएफ मावफारियाफोरा गावसोरनि सानफ्रोमबोनि आदारआव मिलेट आजावनाय आरो मोनसे हेल्डी लाइफस्टाइलजों थाना थानायाव थुलुगा मोनगोन होन्ना आसा खालामनाय जादों।

# आमेरिकानि लास बेगासआव साबा सुबुंनि जिउ ख हा

गोदान दिल्ली, 26 जुन : आमेरिकानि लास बेगासआव सासे सुबुंआ मोनै एपार्टमेन्टनि बाउन्डारियाव गोखों गावलायदों। बे गावलायनाय जाथायाव साबा सुबुंनि जिउ ख हा जादों। गावग्रा सुबुंआ गावबो सुइसाइट खालामना लादों। 47 बोसोरनि एरिक एडाम्सआ गावलायनाय जाथायावखौ फिनजाथाइ होदों। बे गावलायनायाव जाय सुबुंफोरा जिउ ख हा जादों, बेयाव 13 बोसोरनि गथ'आबो दंफायो। बिखौ गोबाब अबस्थायाव आइसिइउआव थिसन्नाय जादोंमोन। गुबुन



फारसेथि, सा 20 बोसोरनि साँने हिन्जावआबो गुलि नांनानै थैदोंमोन। गावलायनाय जाथाया सोराडव फेनायनि उनाव पुलिसआ एडाम्सखौ नायबजिरो। पुलिसआ सुलुडाव मिबथिदोंमोन जे एडाम्सआ इस्ट लेक भिड बुलेवार्डआव थाखोमानानै दड। बेनि उनाव पुलिसआ एडाम्सखौ बेंदों, नाथाय पुलिसनो सरेन्दार जायालासै बियो गावखौनो गुलि गावना लादों।

**स्ट्रफोरनि इ-बायनाय**

गाहायाव फोरमायनाव खामानिनि थाखाय मुंसायगिरिआ इ-टेन्डर होखायहदों। एएसएन 1. इ-टेन्डर नं: एनबि 241527, अक्ट': 20-06-2024। आइटेमफोरनि फोरमायथि: केबिआइ पिटि नं-II 39700/इडआरबिआव एलएडएडि कचनि एफआइएडि बनिनि थाखाय केक्रेट सिलिन्डर गैस इआबि दान्बानि थाखाय केक्रेट केलिफार इनिट लिफासे 2.17 रुथुयाय। पिपल नं: 33536004। बिबां: मोन 30: मुंसायगिरि: एनबिडिडि वार्कस्प डिप्ट, एफएफआर (आसाम)। अग्रिम रं: 61,570 रं। एएसएन 1. इ-टेन्डर नं: एनबि241528, अक्ट': 20-06-2024। आइटेमनि फोरमायथि: केक्रेट सिलिन्डर गैस एएसएडि केक्रेट केलिफारनि थाखाय किट, इआबि/पिसि केक्रेट सिलिन्डर गैस केक्रेट केलिफारनि थाखाय किट। (1) बुस केबिआइ पाट नं. सि101877, बिबां: 02 सेट, (2) वासर केबिआइ पाट नं सि85329/9 बिबां: 2 सेट, (3) युस केबिआइ पाट नं. अ.सि101892/2 बिबां: 02 सेट, (4) युस केबिआइ पाट नं सि 80809/13 बिबां: 02 सेट, (5) फ्लोर युस केबिआइ पाट नं. सि81080/14 बिबां: 04 सेट, (6) हेक्साग 'न' पाट केबिआइ पाट नं. 469548 बिबां: 02 सेट, (7) ह'स क्लेयम केबिआइ पाट नं. सि33793/20 बिबां: 02 सेट, (8) क्लेयम रि केबिआइ पाट नं. सि 146738/4 बिबां: 02 सेट, (9) एन केबिआइ पाट नं. सि 112059/4 बिबां: 02 सेट, (10) थ्रेडेड र'ड केबिआइ पाट नं. सि85819 बिबां: 04 सेट, (11) हेक्साग 'न' पाट केबिआइ पाट नं. सि20308/3 बिबां: 04 सेट, (12) वासर केबिआइ पाट नं. सि84536/25 बिबां: 04 सेट, (13) पिन केबिआइ पाट नं. सि22894/2 बिबां: 02 सेट, (14) लॉकिंग गेट केबिआइ पाट नं. सि77932 बिबां: 02 सेट, (15) लॉकिंग सि 66859 बिबां: 02 सेट, (16) पिपट फिक्ड केबिआइ पाट नं. सि51515/01 बिबां: 04 सेट, (17) लॉकिंग रि केबिआइ पाट नं. 466572 बिबां: 04 सेट, (18) क्लेयम रि केबिआइ पाट नं. 462523 बिबां: 02 सेट, (19) युस केबिआइ पाट नं. सि33096/03212 बिबां: 08 सेट-डिआबिनि केबिआइ वायदिये। पिपल नं: 33687006। बिबां: मोन 115। मुंसायगिरि: एनबिडिडि वार्कस्प डिप्ट, एफएफआइ (आसाम)। अग्रिम रं: 94,990/- रं। इ-टेन्डर बन्द जानायनि अक्ट' आरो सम: 22-07-2024 अक्ट'नि 14:30 सिमाय। गोजीयाव फोरमायनाय इ-टेन्डरनि टेन्डर लाइजों लोगोसे आबु फोरमायथिखौ वेबसाइट [www.ireps.gov.in](http://www.ireps.gov.in) आव मोनो हागोन।

**डेपुटि सिएसएम/डि/मिउ बडाइगाव सा-सान्सा सिमाना देलव**

"मिनिरुयै ग्राहकफोरनिदिम सिधियाय"

No.DOE/BTC/Samagra Shiksha/RE\_TEN/01/2023-24/ Dated Kokrajhar, the 25<sup>th</sup> June, 2024

**PRESS NOTICE (e-Procurement)**

The Director of Education, BTC, Kokrajhar invites bids on behalf of Governor of Assam for 7 (Seven) nos. of work under Baksa, Kokrajhar and Udalguri Rs. 3,71,57,262 (Rupees Three Crore Seventy One Lakh Fifty Seven Thousand Two Hundred and Sixty Two) only from registered contractors of Class-I (A,B & C) Class-II category of Assam PWD (Building), BTC.

Details may be seen at website <http://assamtenders.gov.in> and also in the office of the undersigned during office hours.

Sd/- J.P. Brahma (AES)  
Director, Education,  
BTC, Kokrajhar

IPR(BTC)/C/2024-25/71

No.IND/CHD/CFC/Mushroom/2023/157 Dated Kokrajhar the 26/06/2024

**PRESS NOTICE (Invitation of BID)**

The Addl. Director, Industries & Commerce Dept., BTC, Kokrajhar Invite bids from the registered contractors of Class-I (A, B & C), II & III category of Assam PWD (Building/Roads) for the following works

SL.No.	Name of Work	Cost of Construction (Approx) in Rs.
1	Construction of Common facility Centre (CFC) on Mushroom at Kokrajhar	Rs. 46,84,068.00

Details may be seen at website <http://assamtenders.gov.in> and also at the office of the undersigned during office hours.

Sd/- Addl. Director & CHD,  
Industries & Commerce Dept.,  
BTC, Kokrajhar

IPR(BTC)/C/2024-25/67

No-CHD/UDD-1/6<sup>th</sup> ASFC/1<sup>st</sup> inst./NIT-CS/ Devolution /2022-23/883 Dated Kokrajhar the 15<sup>th</sup> June/2024

**PRESS NOTICE INVITING TENDER**

The Council Head of Department, Urban Development Department, BTC, Kokrajhar invites two bids system for the following schemes under 6<sup>th</sup> ASFC (Devolution) for the year 2022-23 (1<sup>st</sup> Installment)

Group No.	Name of Schemes	Quantity	Bid cost (Rs.)	Tender Value (Rs.)
01/17	Supply and installation of Solar LED Home Light System 150 Watt for BPL/EWS beneficiary in urban area of Gossaigaon Town	24 nos.	500.00	1576800.00
02/17	Supply and installation of Solar LED Home Light System 150 Watt for BPL/EWS beneficiary in urban area of Kokrajhar Town	30 nos.	600.00	1971000.00
03/17	Supply and installation of Solar LED Home Light System 150 Watt for BPL/EWS beneficiary in urban area of Basugaon Town	25 nos.	500.00	1642500.00
04/17	Supply and installation of Solar LED Home Light System 150 Watt for BPL/EWS beneficiary in urban area of Kajalgaon Town	30 nos.	600.00	1971000.00
05/17	Supply and installation of Solar LED Home Light System 150 Watt for BPL/EWS beneficiary in urban area of Bijni Town	26 nos.	500.00	1708200.00
06/17	Supply and installation of Solar LED Home Light System 150 Watt for BPL/EWS beneficiary in urban area of Goreswar Town	25 nos.	500.00	1642500.00
07/17	Supply and installation of Solar LED Home Light System 150 Watt for BPL/EWS beneficiary in urban area of Tanga Town	25 nos.	500.00	1642500.00
08/17	Supply and installation of Solar LED Home Light System 150 Watt for BPL/EWS beneficiary in urban area of Udalguri Town	24 nos.	500.00	1576800.00
09/17	Supply and installation of 50 Watt LED Solar Street Light at Gossaigaon Town	24 nos.	500.00	1773600.00
10/17	Supply and installation of 50 Watt LED Solar Street Light at Fakiragram Town	20 nos.	400.00	1478000.00
11/17	Supply and installation of 50 Watt LED Solar Street Light at Kokrajhar Town	26 nos.	600.00	1921400.00
12/17	Supply and installation of 50 Watt LED Solar Street Light at Basugaon Town	25 nos.	600.00	1847500.00
13/17	Supply and installation of 50 Watt LED Solar Street Light at Kajalgaon Town	27 nos.	600.00	1995300.00
14/17	Supply and installation of 50 Watt LED Solar Street Light at Bijni Town	26 nos.	600.00	1921400.00
15/17	Supply and installation of 50 Watt LED Solar Street Light at Goreswar Town	27 nos.	600.00	1995300.00
16/17	Supply and installation of 50 Watt LED Solar Street Light at Tanga Town	25 nos.	600.00	1847500.00
17/17	Supply and installation of 50 Watt LED Solar Street Light at Udalguri Town	24 nos.	500.00	1773600.00

The tender will be opened on 06.07.2024 (3.00 PM) and the details may be obtained from the office of the undersigned during office hours till 06.07.2024

N.B.: The bill of contractor will be paid only after receiving the fund from BTC.

Sd/- CHD,  
Urban Development Department,  
BTC, Kokrajhar

IPR(BTC)/C/2024-25/69

# कर्नाटकनि मंगलुरुआव वाल गोलैनायजों नख 'रसेनिनो साब्रै सुबुंफोरनि जिउ गोमायो

मंगलुरु, (कर्नाटक), 26 जुन: कर्नाटकनि मंगलुरुनि बाइजोआरि ओन्सोल मदनो नगर ओन्सोलाव गंसे न'थाव वाल गोलैनायजों साब्रै सुबुंफोरनि जिउ खहा जायो। सासे बिबानगिरिआ बे जाथायनि खौरां होदों। बे जाथाया बुधबार फुडव उल्लाल पुलिस स्टेशननि सिमनायाव जायो आरो गासै थैनायफोरखौ नख 'रसेनिनो सोद्रोमा होन्ना सुलुडाव फोरमायदों। खोला कन्डुनि डिप्टी कमिसनार मुल्लिड मुहिलानआ फोरमायनाय बायदिब्ला, मंगलुरुनि बाइजोआरि ओन्सोल मदनो नगरआव वाल गोलैनायजों साब्रै सुबुंफोर थैयो। जाथायनि उनाव जायगानि सुबुंफोरा जाथाय जानाय जायगायाव सौहैयो आरो बायखोन्दा थुखायाव गोदोनाय सुबुंफोरखौ बाइजोआव दिहोनो। मख 'नो गोनादि, खोला कन्डुयाव थानाय मंगलुबार हरनिफ्रयनो अखा हागासिनो दड। भारतआरि बोथोर बिफानआबो 27 जुनसिमाव जिल्लायाव अरेन्ज एलार्ट फोसावो। बेनि सिगां 14 जुनाव मुम्बाइनि एन्टप हिल ओन्सोलनि बिजय नगरआव न'नि मोनसे बाहागोआ गोलैनायजों साँने सुबुंफोर थैदोंमोन। बे खौरांखौ बृहन्मुम्बाइ नगर निगम (बिएमसि) आ होदों।

मुम्बाइनि एन्टप हिल ओन्सोलनि बिजय नगरआव न'नि मोनसे बाहागोआ गोलैनायजों साँने सुबुंफोर थैदोंमोन। बे खौरांखौ बृहन्मुम्बाइ नगर निगम (बिएमसि) आ होदों।

**IMPORTANT NOTICE**

(Regarding transfer application in <https://hrmsassam.in> portal)

No. SSA/HRMIS/Transfer/Teacher/421/2023/959

This is for general information to all concerned that the last date for modification for selection of one cluster for online transfer application (those who already applied for transfer) in <https://hrmsassam.in> portal is hereby extended up to 29/06/2024.

In case of transfer on medical ground, autism spectrum disease of child of a teacher is included in the <https://hrmsassam.in> portal. Those who fall under these criteria may modify the medical ground by 29/06/2024.

Sd/-  
Executive Director Samagra Shiksha, Assam Kahilipara, Guwahati-19

Janasanyog/DF/395/24/27-Jun-24

No. DLSAK-58/2024/

**NOTICE INVITING APPLICATION**

With reference to the subject cited above, I have the honour to state that this Authority is inviting applications from lawyers regarding engagement at the Office of Legal Aid Defense Counsel System for the Post of Deputy Chief Legal Aid Defense Counsel (One) and Assistant Legal Aid Defense Counsel (Five) mentioned in detailed at the official website of the District Judiciary (<https://kokrajhar.dcourts.gov.in/>) and Official Facebook Page (District Legal Services Authority Kokrajhar) under the District Legal Services Authority, Kokrajhar.

The application should reach on or before 16 th July, 2024 during office hours on working days and no application will be received thereafter.

Sd/  
Secretary District Legal Services Authority Kokrajhar

No. DLSAK-58/2024/

**NOTICE INVITING APPLICATION**

With reference to the subject cited above, I have the honour to state that this Authority is inviting applications regarding engagement at the Office of Legal Aid Defense Counsel System for the Post of Office Assistants (Two), Receptionist-cum-Data Entry Operator (Typist) (One) and Peon (One) mentioned in detailed at the official website of the District Judiciary (<https://kokrajhar.dcourts.gov.in/>) and Official Facebook Page (District Legal Services Authority Kokrajhar) under the District Legal Services Authority, Kokrajhar.

The application should reach on or before 16 th July, 2024 during office hours on working days and no application will be received thereafter.

Sd/-  
Secretary District Legal Services Authority Kokrajhar

Janasanyog/D/1940/24/27-Jun-24

**NOTICE INVITING TENDER**

The o/o the Gossaigaon Municipal Board invites Bids/sealed tenders from the Registered Contractor(s) of Class-I/II/III category under Gossaigaon Municipal Board for the below mentioned works and the tender shall be received up-to 2:00 P.M. on the 8<sup>th</sup> July, 2024.

The details of tender may be obtained from Office of the Gossaigaon Municipal Board by the intending tenderers on payment of non refundable Rs. 2,000.00 (Rupees Two Thousand) only in cash/ Demand Draft for each tender during Office hour on and from 18-06-2024 to 08-07-2024 up-to 12:00 noon. No tender papers will be issued beyond this date.

SL. No.	Name of Work.	Estimate Cost.	Tender Value.	Earnest Money 2% (1% for Reserved category)	Time for Completion of the Work.
1	Construction of RCC covered drain from Khargeswar Talukdar path towards Ramkrishna Mission Road near Sairaj Basumatary's house, W/No.4, Gossaigaon MB under Untied Grant(I <sup>st</sup> Installment) for the year 2022-23 released to BTC during 2023-24 under the Award of 15th FC.	Rs. 15,32,125.00	Rs. 15,32,125.00	Rs. 30,643.00	60 Days from the date of agreement.
2	Construction of ICBP road forest Colony towards Karuna Brahma's house via Kali mandir, Ward No.3, Gossaigaon under Untied Grant(I <sup>st</sup> Installment) for the year 2022-23 released to BTC during 2023-24 under the Award of 15th FC.	Rs. 10,00,000.00	Rs. 10,00,000.00	Rs. 20,000.00	60 Days from the date of agreement.
3	Construction of General Public Toilet under Gossaigaon Municipal Board under Swachh Bharat Mission (Urban), Assam.	Rs. 9,00,000.00	Rs. 9,00,000.00	Rs. 18,000.00	90 Days from the date of agreement.

The tender should be submitted to the o/o the undersigned during 18-06-2024 to 08-07-2024 up-to 2:00 pm. Meme No.GMB/282/2024-25/187 Dated, Gossaigaon the 18<sup>th</sup> June/2024

Sd/-  
Chairman, Gossaigaon Municipal Board,  
Dist. Kokrajhar, Assam



# मुलुगनि गोथौसिन लैथोआ बबे आरो बेयो बेसे गुवार मिबथिनो गोनां

बुहुमनि मानसावगारिखौ नोजेर होयोब्ला थाम बाहागोन सेखौनो दै नुनो मोनो आरो गुबुन मोनै बाहागोया हा बाहागो। बे हा बाहागोयावनो गासै दर 195 हादतफोरा दड। जौं बुहुमनि गुबुन गुबुन लैथो-लैथोमाफोरनि बागै लेखा बिलाड, टिभिफोरव नुनो मोनबाय। नाथाय बेफोरनि गेजेराव बुहुमाव गासै मोन 5 लैथोमाफोर दड। बेफोरनि गेजेराव बबेआ गोथौसिन ? बेनि फिन्नायखौ जौं दिनै मिबथिहोगोन। मुलुगनाडैनि हादतआ लैथो आरो लैथोमाफोरजौं सिमाना नाजाबना दड आरो लैथो गेजेरजौंनो रांखात्थि जौंगाखांनयनि गोखैथिबो मोनो हादौं। मानोना लैथोमायारि लामाया मुलुगनाडै थानाय हादतफोरनि गेजेराव फालांगिन थाखाय बिजौंनि गाहाइ रहा लामा होना बुंजायो। मुलुगाव गासै मोन 5 लैथोमाफोर दड। बेफोर जाबाय



प्रशान्त, आटलान्टिक, भारत, आर्कटिक आरो एन्टार्कटिका लैथोमा। बेफोरनि गेजेराव गोथौसिन लैथोमाया बबे होनोब्ला बेयो जादौं प्रशान्त लैथोमा, जाय गावनि गुवार-गिदिरनि थाखायबो मिबथिजायो। बे लैथोमाया साहाथि सा धूपसिम लानानै खोला धूपसिम गोसारनाय। बेनि गासै आवगिना थानाय

1,65,2,00,000 बर्ग कि:मि आरो बेनि गोथौआ 14,020 फुट (4,820 मिटर) लैथोमा थालासिम थानोब्ला सुबुंआ 4,820 मिटर गोथौआव थानांगोन अब्लासो थालायाव थानाय जीब मुलुगखौ मोनहैगोन। मुलुगनि गोथौसिन लैथोमायावनो मुलुगनि गोथौसिन बिन्दु एबा हाख 'रबो दड। बेनि मुडानो जादौं

मारियाना ट्रेंच, जायनि गोथौआ 35,797 फुट (11,000 मिटर)। प्रशान्त लैथोमाया मुलुगआव थानाय गासै दै बाहागोन 46 जौखोन्दो बाहागो दड। एशिया आरो अस्ट्रेलियाखौ बे लैथोमायारि आमेरिकानिफ्राय आलादा खालामो। प्रशान्त लैथोमानि खोला सेरथि गोबां लैथोफोरबो दड।

## भारतआ अलिम्पिक गेम्सआव 100 थि बोसोरनि सान फालिदौं



गोदान दिल्ली, 26 जुन: जेएसडब्लिउ हान्जाया अलिम्पिक सानजौं लोब्ला लाखिनानै खुंफुंजानो गोनां पेरिस अलिम्पिकखौ बान्जायग्रा पेरिस नोगोरआव मोनसे हादरनि बाहागो जानायनि लोब्लायाव हाबाफारि खुंफुंदौं। बेयो अलिम्पिक खुंफुंनयनि गायसनगिरि फियरे डि कुबेरटिननि जिउ आरो उन मोन्थायखौ लोब्लायाव लाखिनानै खुंफुंजादौंमोन। जेयव

बे गेलेमुफोराव भारतनि बाहागो जानायनि 100 थि बोसोर सानखौ फालिनाय जादौं। जेएसडब्लिउ फाउन्डेसननि आफादगिरि संगिता जिल्लड आरो इनस्पयायर इन्स्टिटुट अफ स्पर्टसनि गायसनगिरि पार्थ जिन्डलजौं लोगोसे आइअसिनि आफादगिरि थमास बाक, हरिसु मन्थि रचिदा दाति, फ्रान्स सुबुं खुंथायाव भारतनि राजथान्दै एइसइ जाबेद आश्राफ आरो पियरे डि कु बर्टिन फे मेली

एस 'सिएसननि आफादगिरि आलेक्जेन्ड्र डि नावेसेलआबो हाबाफारिआव बाहागोआव दडमोन। बे हाबाफारिआ पेरिसआव थानाय 7 थि एरन्डिसमेन्टनि टाउन हलआव खुंजालांगोन आरो फे गौ सेप्टेम्बर दानआव पेरिस अलिम्पिक गेम्सनि जेबनायसिम सोलिगोन। बे फालिथायाव जेएसडब्लिउ फाउन्डेसननि आफादगिरि संगिता जिन्डलआ

अलिम्पिकआव भारतनि 100 थि बोसोरनि किउरेसनखौ हेफाजाब होनो मोन्नायखौ गोजेन्नाय फोरमायो। पार्थ जिल्लडलआबो गावनि बिबुंथिआव अलिम्पिक खुंफुंनयनि लामायाव सोमावसारनाय आरो बेयाव भारतनि बिफावनि सायाव बाखायदौं। लोगोसे मुलुगनि बयनिखुइ देरसिन गेलेमु आयदा अलिम्पिकनि थाखाय भारतनि नाजानायखौ फोरमायनानै जेएसडब्लिउआव गावसोरनि माबा मोनसे हाबा मावनो थाखाय थिरांथा लाबोनायखौ फोरमायो। फ्रेन्स रिपाब्लिक आव भारतनि राजथान्दै जाभेद आश्राफआ फे गौ 10 सेप्टेम्बरसिम सोलिगोन गोनां आरो राइजो-राजानि थाखाय बेखेवनाय दिन्थिफुंनय एबा श्व 'खौ जुथायै खालामनयनि थाखाय जेएसडब्लिउ हान्जानिसिम साबायख 'र बाउदौं आरो बेबादियैनो खुंफुंजागोनखौ मिजिथि लादौं।

## नेसनल इन्टर स्टेट सेम्पियनसिपआव निरज चप्राआ बाहागो लानाय नडा

गोदान दिल्ली, 26 जुन: अलिम्पिक आव जेभलिन खुबैनाय इभेन्टआव सनानि मेडेल देरहाखांनय भारतनि गलडेन बय निरज चप्राणि बाहागो जायैआव भारतनि टप ट्रेक एन्ड फिल्ड एथलीटफोरा बृहस्पतिवारनिफ्राय खुंजानाय इन्टर स्टेट सेम्पियनसिपनि समाव पेरिस अलिम्पिकनि मासि मोनफुंनो थाखाय मोजाडै दिन्थिफुंनो नाजागोन। बे इभेन्टआ फेगौ 7 जुलाइनिफ्राय खुंजानो गोनां पेरिस डाइमन्ड लीगनि थाखाय गेलेगिरिफोरनि थियारि जानायाव मदद खालामगोन। लोगोसे खुंजानो



गोनां पेरिस अलिम्पिकनि थाखाय जोबथा क्वालिफाई दुर्नामेन्ट जागोन। जेराव भारतनि स्टार जेभलिन निरज चप्राआ बाहागो लानाय नडा। एएफ आइनि नेमखान्थि बादिब्ला, अलिम्पिक, एसियान गेम्स, कमनवेल्थ गेम्स बायदि

20 कि:मि: थाबायनाय आरो पारुल चौधुरिआ आइजोफोरनि 3000 मिटर स्टेपल सेजआव बाहागो लागोन। जेराव बिथांमोनहा बे इभेन्टआव क्वालिफाई मार्क मोन्नायै पेरिससिम सौहैनो नाजागोन। ज्येति यारजिआ आइजोफोरनि जौसे मिटर हाईल रेस, अनु रानिआ आइजोफोरनि जेभलिन खुबैनाय, डिपि मनुआ हौवाफोरनि जेभलिन खुबैनाय, तेजिन्दर पालआ शटपुट खुबैनाय, जेस्विन एल्डिनआ हौवाफोरनि लं जाम्प बायदि इभेन्टआव वर्ल्डरैंक कटानि गेजेरजौं पेरिस अलिम्पिकनि टिकेट मोन्नो हासिगौ।

## आंखौ नायहर

आंखौ नायहर आफा आंनि थांखिखौ नायहर, जेरावनाखि बयबो आंनि गोसो गोरबोजौं लुबैनाय जिउनि लामाजौं आगान सुरनो बयखौबो नायहर। हाग्रा-बंग्रा, जेना जैसिखौ सौसि सौसि सुबुं

माहारिनि खौसेथि लाबोने नाजानायव आंखौ नायहर। लाइमोनफोरखौ लोगो लानानै रंजा-बाजा सोलोनानै जिउनि लामा नागिरनायाव, समाजखौ फोसाबनो नाजानायव, आंखौ नायहर आफा आंनि थांखिखौ नायहर।

बिरदाव नार्जारी  
गामि- खारगाँव

# रंजालि गथ'फोरनि सौरा

## सानबोलावरि

गोरबोनि सानबोलाउरिजौं...  
सिमानि रंगिना  
आबिर सारफ्राउना,  
हाथासि गोसोखौ  
नाजायो आं  
बुरखायनो अराय।

नाथाय,  
लोरबां गोसो -  
खहाबनाय मोना  
सानबोलावरिनि बुरखायनायखौ।

हाथासि गोसोया,  
हास्तायो-  
थाबैनो फैनयखौसो,  
सिमां गोरबोनि।

बेनो नामा आय'!  
हाथासि-  
जौमोन बैसो।

रकी नार्जारी  
सान्थिपुर, चिरां

## हांमासो थालांबाय

मेगनाव बोहैयो  
मोदैनि निजोरा  
जाहोना मा ?  
'फोरमायस' हाया...  
नौनि अन्नायखौ मिजिं थिनानै  
सुजुदौंमोन गोदै सिमां मोनसे  
नाथाय, सिमांआ सिमांसो जाबाय..।  
बेसेन होआखिसै मानोबा  
आंनि गोसोनि सानस्त्रिफोरा  
नेवसिनो सानब्लाबो  
नेवसिनो हाया माथो गोसोआ।  
आंनि आजोला गोसोआव  
नौनि रैरुब महारा नुजाफैबायथासै  
लाजिसलु महरै...  
मिजिंथिदौंमोन फेरलेबसे जिउआ  
नौनि अन्नाय मोनगोनखौ  
नाथाय, दिनै गासैबो फेलें  
नौंखौ लानानै  
आंनि बिखायाव  
हांमासो थालांबाय सना...।।

सुनिल सरगियारि  
गामि: 2 नं चैबारि, बाक्सा

## आंनि अनसुलि

फुरनिमा अखोरां हर गेजेराव नागिर बायो.....  
अखोरां गेजेर गेजेर;  
जानगार आंनि.....  
दाबाव नौं  
फैमाल दा खालाम  
आंनि मिजिंखौ।  
आंदि नौंखौ बेसेबां...  
लागोन आं अरायबो...  
नौनि बोसोन...;  
आगान सुरा  
बैग्रि सु फासै।  
बोहै होआ अरायबो  
नौनि मेगनाव मोदै।  
दिन्थिगिरि आंनि  
बे मिथिंगाखौ  
नायहर नौं आंखौ  
बै फासैनिफ्राइ  
फेलें खालामा आं  
नौनि मिजिंखौ  
गोजेनै था नौं  
जेरावखि थाया मानो  
नौं आंनि अनसुलि।

सादिन ब्रह्म  
गामि- कक्राझार वार्ड नं- 10

## जाबाय आं दुथामि

आंनि जिउनि हाहाहोगिरि  
अनजालु आन्जालि, बिफा बिमाफोर  
गावसोरनि गोसो गोर्बोआव हाजासे,  
गोथार मिजिं लानानै दोनहरदौंमोन,  
दिनै आंखौ टाउन-सहराव,  
स्कुल, कलेज फरायनो।  
बुरलु बुरला खालामनानै  
गावसोरनि बिखानि थैखौ दै खालामनानै,  
हरदौंमोन रोजा रोजा रं  
गावनि फिसानि नांगौ बादियै।  
नाथाय दिनै मोनथिया हासिया,  
सहरनि गुदुं बारजौं बारफानानै  
गावनि सान्नाय हनायखौ सोलायबाय,  
बिफा-बिमानि सान-इजोदखौ बावगारबाय।  
लिरनाय-फरायनायआबो जाबाय  
लैथोनि दै दाहारआव गोजावनाय  
खोमस्लिफानफोरा बायदि थांथि गैयै।  
सानफ्रोमबो सहरनि 'गलायावल',  
जौं, सिगारेट आरो थांखु सोबै -सोबै  
समखौ आं बारहोदौंमोन।  
गावनि जौमोनननि हाबिलासखौ सानहरनो  
सम आरो बोथोरआवो गैला आंहा,  
खालिबोल' नांगौ -नांगौ-नांगौ  
जौं, जुवा आरो सिगारेट।  
गिनाय, लाजिनायआबो गोमा जोबबाय,  
लामा सामा सिख्खा सासेबो  
बारगालिया...  
हाय! आं मादि मावफोनांखो...  
थारैनो जाबाय आंबो सासे दुथामि।

मुसि प्रफुल्ल नार्जारी।  
ला:सो: - दतमा।  
कक्राझार

## गोसो गोजोननो

मोजां मेथाइ खोनासं  
मोजां खन्थाइ फरायदे  
गोजोन फुबिलि समाव  
गोसो गोजोननो

-रैदोम बर', बाक्सा

## गोसो थोफलांबाय आं

गोसो थोफलांबाय आं  
नौंखौ स'ना;  
मा होन्नानै रायज्जायबावगोन आं  
नौंखौ लोगो मोनबोला सना।  
जाया नंड जाबाय नौंबो  
सासे महर गोसा नौंबो  
सासे महर गोसा सिखोला;  
फसाया नंड फसायफलांबाय  
आंनि जावलिया गोसोआबो।  
गोजावनांबाय आं नौनि महरावनो  
रायखोमा जानांबाय आं ;  
सुबुंजौं हिनजावनि फागोला  
बखि जानांबाय आं लामा-सामा।  
दोहो-दोहो खामगिल लांडो आंनि सोलेरा  
दुखुनि मोदैजौं लोमसाव फेयो;  
जेबोला नौनि हायना गोनां महरखौ  
गोसोखांडो  
हाया आं नौंखौ बावनो हाया।  
नौनि मिनिनाय नौनि रायज्जायनाय  
दिनै नुयै गामोनबो नुयैनो;  
गोसो थोफलांबाय आं नौंखौ सना  
नौं मानि-दामानि।  
नाथाय नागिरै-नागिरै मोनबायमोन आं  
सायखना नौंखौल बे जोनोमाव;  
मोनहां-मोनाहां जागोना जाया  
आंनि गोसोजौं हास्थायनाया।  
बेयो आं अराय सम  
नौनि गुरै रावनि फिन्नाय सना;  
आंनि मेग्रेब देरानि दरखांआव।

राम नाथ बसुमतारी  
ला:सो: - निउ बडाउगाव  
जिला-चिरां बि टि सि

## बारसे गेवलाडै बारफुनाय बिबार

आय' बेसे समायना नौनि बे  
आथुमसे गेवलाडै बारफुनाय महारा  
समाय होबाय नौं जौनि बे  
बायदेब द्रेब देराखौ  
नौनि बे आथुमसे गेवलाडै  
बारफुनाय महरजौं!!  
मायबा नायबाय थाथावथाव  
ब'जबबा ब'जबबाय थाथाव-थाव  
आय' बेसे समायना नौं  
बारफुनाय बिबार!!  
नौंखौ नुब्ला गोसो खांडो आं  
आंनि बै सिमांखौ  
थारैनो जामारगोन नामा मोकथाडव  
नौं बायदि समायना  
आय' बेसे समायना नौनि बे  
आथुमसे गेवलाडै बारफुनाय महारा गोजोनथौं।

जहु ब्रह्म  
ला:सो: - जिला-कक्राझार



(1 बिलाइनिफ्राय)

## 2थि खेबनि थाखाय अम बिरलाआ देरहासारनाए लकसभानि बुंथिगिरि सायख 'जाफिनबाय

बुंथिगिरिनि थाखाय एनडिनि बिजाथिमोन। गुबुन फार्सेथि इन्डिया एलाइन्सफ्राय के. सुरेशखौ बिजाथि महरै फसदोंमोन। बुंफोरमाय भटआव अम बिरलानि आखायाव के. सुरेशआ जेनो गोनां जायो। लकसभानि बुंथिगिरिनि थाखाय सरकार आरो बरेखा दोलोनि गेजेराव मंगलबारआव हेफाजाब होलायनाया जायाखैसै। बेनिखायनो दिने एनडिनि बिजाथि अम बिरला आरो इन्डिया एलाइन्सफ्राय बिजाथि कदिकुन्निनल सुरेशनि गेजेराव भट खुंफुनाय जायो, जेराव बुंफोरमाय भटआव अम बिरलाआ देरहायो। सुबुं आफादनि बुंथिगिरि बिसायख' जानायनि उनावनो गाहाइ मन्थि नरेन्द्र मदिआ अम बिरलाजौं गाहाइ हामलाइनाय बाउयो। बेजौं लोगोसेनो राहुल गान्धीआबो अम बिरलानो गाहाइ हामब्लायनाय बाउयो। मासिगिरि एबा बुंथिगिरि महरै सायख' जानायनि उनावनो अम बिरलाखौं गाहाइ मन्थि नरेन्द्र मदि आरो राहुल गान्धीआ मासिगिरि एबा बुंथिगिरिनि मासिसिम बरायनानै लानानै थाडो।

## आसामनि राइज्यो बेंगिरिआ आइआइटि-जिखौ गावनि मोनफुंथायनि थाखाय मान बाउदों

गुवाहाटीआ फोरोंनाय, सोलोंनेय आरो गोदानथार बिजिरसं आरो जौगाथाय हाबाफारिफोरनि थाखाय मोनसे आदर्श आबहावा दिन्थिदों, जाय गासै हादतआव सोलोंनेयारि साबसिन आरो गोजौ थाखोनि आरोदयारि सोलोंनेयानि मोनसे सोरबिथि खान्थिखौ जौगाहोदों। बे फसंथाना मुलुगनां बादायलु सुबुं सम्फदफोरखौ दिहदों, जोथोन लादों आरो गोदान-गोदान बिजिरसंनाय खालामदों जाय समाजखौ मख'जाथाव मुलाम्फा होदों। गोखौं सोलोंनेय खान्थिखौ फोथाना लाखिनो आरो राइज्योआव गोजौ सोलोंनेयानि फसंथानफोरनि गोहो बांहोनो थाखाय कटारियाआ आइआइटि-जिन सामब्लायगिरिखौ राइज्योनि गुबुन मुलुगसोलोंसालिफोरनि फोरोंगिरिफोरनि थाखाय अरियेन्सेन हाबाफारिनि राहा खालामनो खावलायो। बिथाड गिबि मन्थिनि नाजानायखौ बाख्नायनानै बुडोदि बिथाड राइज्योआव गोजौ सोलोंनेयारि जौगाहोनो थाखाय गासैबो खाबुफोर होनो गोसो गुदुं। राइज्यो बेंगिरिया मिजिं थियोदि फैबाय थानाय समाव आइआइटि गुवाहाटीआ बांसिन मुलुगनां गोनांथि मोनगोन आरो बे फसंथाननि ग्रेजुवेटफोरा जिडिन मोनफोमबो बिथिडव हादतखौ दैदेनगोन। बे हाबाफारियाव चेन्सेलर बिथोनगिरि मावख'नि बोसोनगिरि प्रफेसर मिहिर कान्ति चौधुरी, राइज्यो बेंगिरिनि कमिसनार आरो सेक्रेटारि एसएस मिनाक्षि सुन्दरम, राइज्यो बेंगिरिनि सेक्रेटारि सण्णा दत्त डेका आरो कबिता डेका, कटन मुलुगसोलोंसालिनि भिसि, केकेएसएसअइड, एसएडिड, प्रागज्यतिपुर मुलुगसोलोंसालि, बिगियान आरो बिरोंदामिन फसंथाननि सामलायगिरि, सुबुं फोनांजाब, ब्रेन्डिं आरो रेंकिनि डिन प्रफेसर पिके अय्यरजौं लोगोसे गोबां गुबुन गोबां सुबुंफोरा नुजाथिदोंमोन।

## बोथोर बिगियान मिरुआ राइज्योआव बारहुंखा, सार-अन्थाइ आरो अखा हानायनि आगु ...

आरो करिमगन्जआव येल' एलार्ट होनायखौ नुनो मोन्दों। बे समाव अखा खोरमनाय, अखा मोफ्लामनाय आरो सार-अन्थाइ गावनायजौं थाद'नाय गैयै अखा हानायनिबो सन्देह फोरमायदों। बेबायदिनो 27 जुन वृहस्पतिवारआवबो धुबुरि, खोला सालमारा, मान्काशा, गवालपारा, चिरां, बरपेटा, बडाइगाव, कामरुप (गामियारि), कामरुप (मेट्र), दरं-उदालगुरि, हजाइ, सोनाब कार्बि आंलं, कार्बि आंलं, गलाघाट, लक्षिमपुर, धेमाजि, माजुली, डिमाहासाउ, काछार, हाइलाकान्दि आरो करिमगन्जआवबो येल' एलार्ट फोसावदों। 28 जुनखालिबो धुबुरि, खोला सालमारा, मानकाछार, कक्राझार, मरिगाव, नगाव, हजाइ, गलाघाट, बिश्वनाथ, लक्षिमपुर, धेमाजि, जरहात, तिनचुकिया आरो काछार जिल्लायावबो येल' एलार्ट फोसावदों। बे एखे सानावनो सोनाब कार्बि आंलं, कार्बि आंलं आरो डिमाहासाउ जिल्लायाव अरेन्ज एलार्ट फोसावदों। बे समाव जिल्लाफोराव थाद'नाय गैयै अखा हानायनि सन्देह फोरमायदों। 29 जुन सनिबारआवबो कक्राझार, लक्षिमपुर, धेमाजि, जरहाट, करिमगन्जआव येल' आरो सोनाब कार्बि आंलं, कार्बि आंलं, गलाघाट, डिमाहासाउ आरो काछार जिल्लायाव अरेन्ज एलार्ट फोसावदों। 30 जुन रबिबारआव धुबुरि, खोला सालमारा, मानकाछार, कक्राझार, लक्षिमपुर, हाइलाकान्दि आरो करिमगन्जआव येल' आरो सोनाब कार्बि आंलं, कार्बि आंलं, डिमाहासाउ आरो काछार जिल्लायावबो अरेन्ज एलार्ट होनायखौ नुनो मोन्दों।

## तामुलपुरआव पेट्रलजौं बुंफबनाय टेंकारआव ...

पेट्रलजौं बुंफबनाय टेंकारआव अर खामनाय जाथाय सोमजिदों। बे जाथायनि साखाथियावनो थानाय गंनै नख'रआ खनुखुमै जिउ रैखा मोनो। फैबाय थानाय समाव जाथाय सालियाव अर खोमोरग्रानि हान्जाया नुजाथिहैनानै अरखौं खोमोरनो नाजायो। जाथाय सालियाव जिल्ला बेंगिरि एसपि, एमएलए आरो पुलिसनि हान्जाया नुजाथिहैयो। बुधवार फुडव रडिया-तामुलपुर-भुटान माहारियारि राजा लामाजौं शिलिगुरिनिफ्राय भुटानसिम थांबाय थानायवनो तामुलपुर थानानि दरखं मोखाडव सामलाइथाय खोमानानै लामानि साखाथियावनो पेट्रलजौं बुंफबनाय टेंकार गारिआ गोलेनानै थादोंमोन। पुलिसआ गारिखौ बोखानानै लाबोनो नाजानाय समावनो बे गिखंथाव अर खामनाय जाथाय सोमजिदों। अदेबानि अर खामनायनि जाहोनाव रावबो सुबुडनो जेबो खहा जायाखै होन्ना मिबथिनो मोन्दों।

## बडाइगावआव सिनायमोनै सुबुंनि गुलि गावनायाव पन्चायतनि गाहाइ बिबानगिरिनि जिउ खहा

कान्त दास मुनि सासे सुबुंआ जिउ गोमायो। मिबथिनो मोन्नाय बायदिब्ला, चन्द्र कान्त दासआ सिपनचिला गामि पन्चायतनि गाहाइ बिबानगिरिमोन। बे जाथाया काशिदबा ओन्सोलआव जादों होन्ना मिबथिनो मोन्दों। गंसे साहा दखाननि दरखं मोखाडवनो दुथांआ दासखौ गुलि गावनानै जिउ फोजोबदों। दासआ मावख'निफ्राय गिदिबोफिनबायमोन। गारि लाखिनानै साहा लोंनो होन्ना साखा दखानआव हाबदोंमोन। बे समावनो बाइकआव फैनाय दुथांआ चन्द्र कान्त दासखौ नुवा-नुस्लाबा गुलि गावो। जाथाय सालियाव बडाइगाव जिल्ला बेंगिरि आरो पुलिसनि बिबानगिरिफोरा नुजाथिहैनानै नायबिजिरसंनायखौ जागायजेनबाय होन्ना पुलिसनि सुलुडव फोरमायो।



स्पेसियेल टास्क फर्स, आसाम आरो काछार पुलिसजौं खालामजानाय मोनसे जाफुंसार फेग्रा मुवानि बरेखा अपारेसनाव सिलचरआव गंसे गारिखौ हमनायजौं लोगोसे 4.5 कौटि रानि 900 ग्राम हेर इनबो बोखानो हादों।

(1 बिलाइनिफ्राय)

## गुवाहाटीआव गोमानाय सा 3 फरायसुलिफोरखौ आसाम पुलिसआ एनजिपि ....

थाखाय गोसो होथाबनानै खामानि मावदोंमोन। हिन्जावसाफोरखौ नख'रनि सुबुंफोरजौं फिन लोगो मोनज्ज्ताय होनो थाखाय गुवाहाटीसिम लाबोनाय जाबाय। बेनि सिगां उन्दै हिन्जावसाफोर नेपालि सकनि सान्चाइन पाब्लिक स्कुलनिफ्राय गोमादोंमोन। गोमानाय सा 3 हिन्जावसाफोरनि सोमोन्दै पुलिसनो मिबथिहोनयनि उनाव नायबिजिरसंनायनि गेजेरजौं मिबथिनो हायोदि, फरायसुलिफोर गुवाहाटी रेल स्टेसननिफ्राय रेलजौं सोनाब बंगसिम दावबायलांदों। मख'नो गोनांदि, मंगलबार फुडव हिन्जावसाफोर सोनाब बंगनि आलिपुरदुवार स्टेसननिफ्राय गावसोरनि नख'रआव भिडिअ कल खालामदोंमोन। बेनि उनावनो नुनमाति पुलिसआ आरपिएफ रैनियाफोरजौं फोनांजाब खालामनानै हिन्जावसाफोरनि सोमोन्दै सांग्राथि खालामनानै दोनो। जुथाइयै नायबिजिरसंनायव हिन्जावसाफोरखौ बोखानानै गावसोरनि नख'रनो गथायनानै होनो हानायव गुवाहाटी पुलिस बिफानआ गावसोरनि गोजेन्नायखौ फोरमायनायखौ नुनो मोन्दों।

## मन्दिर बेखेवनायनि उनावनो आसामनि राइज्यो बेंगिरिआ बिमा कामाख्या मन्दिरआव...

धोरमारि सान्थीनि थाग्रा खुलि बानायदोंमोन। राइज्यो बेंगिरि कटारियाआ अम्बुबासि मेलाखौ जाफुंसार खालामनायाव गावसोरनि साबसिन नाजानायनि थाखाय थानसालि सामलाय आफाद, नोगोरारि, पुलिस खुंथाइ आरो गुबुन गुबुन एजेन्सिफोरनि मावसोम हान्जाफोरखौबो साबायख'र बाउहरो। बिथाड बुंदोंदि मेलायाव सिबियारिफोरनि गोरोबलायनाय आरो गोबां सुबुं अनफावरि आफादफोरजौं होजानाय मददआ बे बोसोरारि फालिथाइखौ मोन्थथाव जुनिया आरो रुजुजायै खालामदों। निलाचल हाजोआव आबुथि आरो बेनि मान थाखाखौ लाखिनयनि थाखाय कटारियाआ बे गोथार थावनि दावबायारिफोरखौबो साबायख'र बाउहरो।

## बिसिआ फिसाइखौ सिखाजौं ...

दानस'नानै बिसिआनो सुजित रबि दास मुनि सासे सुबुंखौ जिउ फोजोबदों। मरिअनि सिलिका साहा बागाननि 11 नं लाइनआव बे गिखंथाव बुथारनाय जाथाया सोमजिदों। नख'रआरि नांज्ज्ताय-खमलाय जाबाय थानायनि थाखायनो बे गिखंथाव बुथारनाय जाथाया सोमजिदों होन्ना सन्देह खालामनाय जादों। जाथाय सालियाव पुलिसआ नुजाथिहैनानै गोथै देहाखौ बोखाडो। पुलिसआ फिसाइखौ बुथारग्रा आइजोखौ हमनानै लाबोयो। बुथारनाय जाथाय खालामखानायनि उनाव बिसि आरो बिनि बिमाया मरिअनि थानायाव गावसोरखौनो गथायो। नख'रआरि नांज्ज्ताय-खमलाय जाबाय थानायनि थाखायनो बिसिआ फिसाइखौ सिखाजौं दान्स'दों होन्ना मिबथिनो मोनो। पुलिसआ सुजितनि गोथै देहाखौ बोखानानै देहा आन्जाद खालामनो थाखाय जिएमसिएसआव दैथाय हरो। बे जाथायखौ लानानै साहा बागानआव गिखानाय थासारि सोमजिदों।

## पेन्सि बाजारनि रिभार

## टार्मिनेलआव वेल्डिं मेसिन...

जादों। पेन्सि बाजारनि लुफुंजाबाय थानाय रिभार टार्मिनेलआव बे गिखंथाव जाथाया जादों। मिबथिनो मोन्नाय बायदिब्ला, लुफुंजाबाय थानाय रिभार टार्मिनेलआव बाहायबाय थानाय वेल्डिं मेसिनआ बेरफुनानै गोबां बिबांनि मुजिरा मावग्राफोर गोब्राबे जोखोम जायो। गिखंथाव सोदोब जानाने बे वेल्डिं मेसिनआ बेरफुनायनि जाहोनाव सासे सुबुड दैआव गलांदों होन्ना मिबथि मोन्दों। बे जाथायाव गोबां मुजिरा मावग्राफोर गोब्राबे जोखोम जादों होन्ना मिबथिनो मोनो। वेल्डिं मेसिननि गिखंथाव सोदोब गोमखानाय एबा बेरफुनाया ओन्सोलनि राइजोफोरखौ समखिखांहोदों।

## बिहालीआव नंखाय रांजों

## लोगोसे फालांगिरिखौ हमदों

बिलाइआ 500 रानि बिलाइ। जाथायनि सोमोन्दै जिनजीया पुलिसआ आरोबाव बांसिन खौरां मोन्नो थाखाय नायबिजिरसंगासिनो।

## सरुपेटाआव मुजिरा मावग्राया

## दैआव गलांनानै जिउ गोमादों

थासारि सोमजिनयखौ नुनो मोनो। बोखानो हानाय गोथै देहाखौ सरुपेटानि कन्दर्प बनिक्व (50)नि होन्ना सिनायथिनो हानाय जादों। मख'नो गोनांदि, सरुपेटानि थागिबि दिन हाजिरा मावनानै जाग्रा कन्दर्पआ 24 जुनआव सान्सुनि 2:30 रिगायाव गावनि न'निफ्राय ओंखारलानानै गोमादोंमोन। दिनें फुनि 5:00 रिगायाव सरुपेटानि रेल लामानि साखाथियावनो थानाय हाखरनि दैआव गोजावनानै थानाय कन्दर्पनि गोथै देहाखौ ओन्सोलनि राइजोफोरा नुसननो हायो। उनाव खुंथाइनि बिबानगिरिफोरनि नुजाथिनयाव राइजोफोरा फुरिखनिफ्राय गोथै देहाखौ बोखानानै लाबोयो। पुलिसआ गोथै देहाखौ देहा आन्जाद खालामखानायनि उनाव जोबथा विदाय होनाय जादों। कन्दर्पआ बिसि, सासे फिसाज्ज्ता आरो सासे फिसाजोजौं लोगोसे गावनि गोबां मोजं मोनग्रा सुबुंफोरखौ बे संसारआव आलाइ-सिलाइ गालानायव सरुपेटाआव दुखुनि बारहावा सोमजिनयखौ नुनो मोन्दों।

## सापकाटा पुलिसआ मुलुगनां ड्रागस आरो फालांगि बरेखा...

नोगोरारिफोर आखाइ-आखाइ बेनार आरो प्ले कार्ड लानानै सापकाटा पुलिस आउट पस्टनिफ्राय आनन्दमत जातिय बिशालयसिम हान्जा सुरनानै राइजो-राजोफोरखौ ड्रागस बाहायनाय आरो ड्रागस फालांगि खालामनायनि फारसे सांग्रां खालामनायनि नोजेजौं हान्जा सुरो।

(1 बिलाइनिफ्राय)

## ढेकियाजुलीआव उन्दै हिन्जावसाखौ हान्जायै जिनाहारि खालामग्राफोरखौ जिउ...

खालामग्राफोरखौ थाबेनो हमानै गोखौं साजा होनो थाखाय दुलाराय आसाम फरायसा आफाद, आसा, आतसाआ जुथायै हेंथा सोमावसारनाय हाबाफारि सामलायो। बे सोमावसारनायाव ओन्सोलनि राइजोफोराबो हेफाजाब खालामो। बे जाथायनि सोमोन्दै गिबि मन्थि ३ हिमन्त बिश्व शर्माआबो गावनि बिबुंथिखौ फोरमायनानै एक्स हेन्डेलआव बे जाथायखौ लाना गोखौं फिनजाथाय राहा लानायनि इसारा होयो। बेजौं समाननो मन्थि अशक सिंघालआबो बे जाथायनि दायनिगिरिखौ थाबेनो गोखौंनिफ्राय गोखौंसिन साजा होनो हुमखि होनायखौ नुनो मोनो। 24 जुनआव सोमजिनय बे मुगैथाव जाथायजौं लोब्बा गोनां दायनिगिरिफोरखौ हमनायजौं लोगोसेनो जिउ फोजोबनाय साजा होनो दाबि दैखानानै ढेकियाजुली सहरआव हेंथा सोमावसारनाय समावनो सोमावसारगिरिफोरा गिबि मन्थिनिसिम दुथांफोरखौ गुलि गावनानै जिउ फोजोबनांगौ होन्ना दाबि दैखाडो। लोगोसे आसुआ उकिल समाजखौ जिनाहारि खालामग्राजौं आइनिन जुजिनयाव लोगो जाफानो नाड होन्ना खावलायो। ढेकियाजुलीआव सोमजिनय बे मुगैथाव जाथायनि थासारिखौ खौरां लानो दिनें हेलिकप्टरजौं ओन्सोलनि मन्थि एबा एमएलए अशक सिंघालआ ढेकियाजुलीआव नुजाथिफैयो। सिंघालआ ढेकियाजुलीनि आलासि बांगलायाव ओन्सोलनि दोलो आफाद फसंथानफोरनि दैदेनगिरिफोरजौं सावरयज्ज्तायो। बेनि उनाव खौरां बिजौंनि सिगाडव सिंघालआ लकसभा बिसायख'थिनि उनावनो मोनसे हारिनि सुबुंफोरा हिन्दुफोरनि सायाव गाजि आखु दिन्थिनय एबा जाथाय सोमजिहोनाया बांबोनो हमदों होन्ना फोरमायदों। सरकारआ बेखौ गोखौं आखायजौं दबथायगोन। मिरुनि बिजेपि सरकारखौ एसेबां गोरलै सान्नानै लानो नाड। मन्थि सिंघालआ पुलिसखौ थाबेनो दायनिगिरिखौ हमनो बिथोन होनानै जाति आरो रावनि मुडव नांवाय थायोब्ला जानाय नड। बे सोद्रोमथि गैयै समाजनि हेंथायै जौं खौसेयै जुजिनगोन। अशक सिंघालआ ओन्सोलनि दोलो आफाद फसंथाननि दैदेनगिरिफोरजौं सावरयज्ज्तायनायाव जिल्लानि एसपि बरुन पुरकायस्टजौं लोगोसे जिल्ला खुंथाइनि गोजौ थाखोनि बिबानगिरिफोराबो बाहागो लानो हादों।

## बाक्सानि सिमलायाव हायुंआरि फेग्रा मुवा बाहायनाय आरो आयेन बरेखा फालांगि हेंथा ....

अफ अमेननि बान्जायनायाव बे हायुंआरि फेग्रा मुवा बाहायनाय आरो आयेन बरेखा फालांगि हेंथायारि सानखौ फालिनाय जायो। बे हाबाफारियाव सापागुरि ओन्सोलनि गासै गं 5 फरायसालि, फरायसालिमाफोरनि बाहागो लानाय आरो पुलिस बिफान, 22 नं ककलाबारि बियाबनि एम.सि.एल.ए. मन्तु बर' आरो गं 5 फरायसालि, फरायसालिमाफोरनि गाहाइ फोरोंगिरिफोरनि गोखौं हेफाजाब होनायाव बे हायुंआरि फेग्रा मुवा बाहायनाय आरो आयेन बरेखा फालांगि हेंथायारि सान फालिनाया रोखोमसे गोलाव हान्जा सुरनायनि गेजेरजौं जानानै थाडो होन्नानै बाक्सा जिल्लानि जिल्ला मिशन कडेंटेर सनतस रामसियारि बिथाड खौरांगिरिनि गेजेरजौं फोरमायो। मख'नो गोनांदि, बे हायुंआरि फेग्रा मुवा बाहायनाय आरो आयेन बरेखा फालांगि हेंथायारि सान फालिनायाव बे सापागुरि ओन्सोलनि गासै गं 5 फरायसालि, फरायसालिमाफोर फारियै-9 ककलाबारि चापागुरि फरायसालिमा, ककलाबारि सेनिअर सेकेण्डारि स्कुल, ककलाबारि जौंसिन गेजेर फरायसालि, एकसिलेन्व एकादेमि आरो इनसपाइयार एकादेमिया बाहागो लायो। फुंबिलि समआव सिमला ररेल स्टेटियामनिफ्राय जागायनानो सिमला आरो हजुवा ओन्सोलाव गासै 5 कि:मि: सो गोलाव हान्जा सुरनाया जानानै थाडो आरो बे हान्जा सुरनाय हाबाफारिखौ बेखेवनानै होयो 22 नं ककलाबारि बियाबनि एम.सि.एल.ए. बिथां मन्तु बर'आ।

## सासे अबं गसाय राम सिबियारिआ

## अयध्यासिम साइकेलजौं दावबायदों

अयध्यासिम थानानै राम मन्दिरखौ दर्शन खालामना फैनो बिथाड जायखि-जाया रेल, उरां जाहाज एबा गुबुन गारिजौं नडा गावनो साइकेल सालायना दावबायलांगोन। दिनें बिनि दावबायनाया जागायजेन्नाय समाव ब्रिटिआरनि देहा बिफाननि मावफुं सोद्रोमा अरुप कुमार डेआ आर'नाइजौं बराय मान बावनानै बिनि दावबायनाया जाफुंसारनि थाखाय हामब्लायथि होयो। अयध्यासिम राम मन्दिरसिम दावबायनाय समाव जायखि-जाया जेना-जेसिजौं मोगा-मोगि जायोब्ला जेनाफोरखौ सुफुंनो अबं गसाय रामनि सिबियारि प्रदिप देबनाथनो दिनें जागायजेन्नाय दावबायनायाव रांखान्थिनि हेफाजाब होयो मावफुं सोद्रोमा अरुप कुमार डेआ। गोथार धोरमारि जायगा अयध्यासिम राम मन्दिरसिम माखासे दावबायारिफोरा थांदोंब्लाबो प्रदिप देबनाथ बायदि सोरबा सिबियारिआ साइकेलजौं दावबायाखै। बेनि थाखायनो गुवैयै अबंगसाय श्रीरामनि सिबियारि महरै गावखौनो फोरमान खालामना दिन्थिदों होन्ना मावफुं सोद्रोमा अरुप कुमार डेआ मख'दों। अयध्यासिम दावबायनायनि गनायथिखौ कक्राझार जिल्ला खुंथायनिफ्राय लानानै दिनें दावबायनायखौ गोथारि जागायजेनो राम सिबियारि प्रदिप देबनाथआ। कक्राझारनिफ्राय दावबायनानै दिनें आसाम सोनाब बंग'नि सिमना ओन्सोल श्रीरामपुराव प्रदिप देबनाथआ हर थागोन होन्नानै सुलुडव फोरमायदों। जायनि उनाव गाबोन फिन साइकेल दावबायनायखौ लाखिलांबाय थागोन होन्नानै बिथाड फोरमायदों। मख'नो गोनांदि, प्रदिप देबनाथआ गावनि दावबायनो लानाय जायगासिम सौहेनो थाखाय गासै नै दान सम नांगोन। साइकेल सालाइनानै अयध्यासिम दावबायनो लानाय प्रदिप देबनाथआ अबं गसाय रामनि दर्शन खालामनानै फिन साइकेलजौंनो कक्राझारसिम दावबायबोफिनगोन।

## बगाजुलिआव हाग्रानि मैदेरजौं गारलोबजानानै

## सासे फरायसुलिनि जिउ गोमादों

सिलिंखार खालामलाडो। मख'नो गोनांदि, नख'रनि सोद्रोमाफोरा हराव आदार जानानै उन्दुगासिनो दडमोन। जेराव मैदेर फैनायखौ मिबथिनो मोनानै गिनायजौं नख'रनि सोद्रोमाफोरजौं लोगोसे मनिक्का बर'आबो खारनो लानायाव मैदेर सुन्दायजौं गारलोबनानै खर'याव गानानै जाथायसालियावनो मनिक्का बर'खौ जिउ फोजोबो। मिबथिनो मोनाय बायदिदियै मनिक्का बर'आ कुमारिकाता दावगांवारि गोजौ फरायसालिनि थाखौ 9 नि फरायसुलिमोन। फारसेथिं हरावनो हाग्रा बिफाननि सुबुंफोरा जाथायसालियाव फैनानै पुलिसनि हेफाजाबाव गोथै सह'खौ बोखानानै तामुलपुर थानासिम लाबोयो आरो दिनें पस्टमार्टम आन्जादनि थाखाय मुसलपुरसिम दैथायहरो। फरायसुलिनि जिउ गोमानायनि खौरां गोसारनाय लोगो-लोगो ओन्सोल नाडै दुखुनि थासारि सोमजिदों।

## बासुगाव थाना रडआव साखोन सिखोन ....

बान्जायनायाव मोनसे साब-सिखोन खालामनाय हाबाफारि सामलायनाय जायो। थाना रडनि लामानि फारनैथिबो हाग्रा-बंग्राफोरखौ साब-सिखोन खालामनानै समायना खालामनाय जायो। सिखा, खदाल लानानै लाइमोनफोरनि मोनसे हान्जाया बे बायदि खामानि मावफुंनायाव सहरनि थागिबिफोरा लाइमोनफोरखौ बाख्नायदों। अदेबानि थाना रडसिम थानाय लामाखौ गोगाथाव लामा महर होनाय जादों होन्ना थानाय लकसभा बिसायख'थिनि सिगां-सिगां लाइ खुन्थिया गायसन्नानै सरकार-खुंथाइआ बाख्नायनाय लानायनि उनाव दिनेंसिमबो खामानिखौ जागायजेनैआव सहरनि थागिबिफोरा गोजेन्नाय गैयै फोरमायदों। मख'नो गोनांदि, लामाखौ गोबाव समनिफ्रायनो फोसाबैआव लामानि थासारिआ नायथावथारै दखर-दाखर हाखर आरो बे लामाजौं रावबो थांलाय-फैलाय खालामनो गोसो जाया। राहा गैयैआवसो दावबायारिफोरा बे लामाजौं थानांगौ जायो। जर'खायै थानानि दरखं मोखां आरो शिलाराइ पार्कनि साखाथियावनो फुखि बायदि हाखर सोमजिनयाव सासे लाइमोनआ इ-रिक्साजौं बेलथायनो गोनां जादोंमोन। इ-रिक्सा सालाइगिरिआ रागा जौंखानानै लामा गेजेरआवनो सरकार आरो खुंथाइनि सायाव रागा जौंखानायखौ फोरमायदों। गुबुन फार्सेथिं शिलाराइ पार्कनि साखाथियावनो हाबु-दैबुजौं जुजिनानै माखासे राहा गोथै जानानाय फिसा-फिसा फालांगि खालामग्राफोरा मैगं दखान होबाय थागासिनो दड। बे गासैबो जेनाखौ सहरनि सांग्रां नोगोरारिफोरा सरकारनि फार्सेनिफ्राय थाबेनो सुस्त्रांजानो हास्थायदों।



# कमल हासननि 'इन्डियान 2' सावथुनआ सोराडाव फैदों

आथिखालनि समाव साउथ सिनेमानि मुंदांखा फावगिरि कमल हासनआ गावनि फैगों सावथुन इन्डियान 2 खों लानानै सावरायनायाव दड। थानाय सानाव बे सावथुननि नैथि ट्रेलारखों लन्च खालामना होबाय। बे खाबुआव मोनसे स्पेशियेल इभेन्टबो अर्गनाइज खालामदों, जेराव कमलआ बलिउड सुपरस्टार शाहरुख खानखों लानानै बेखेवना सावरायदों। बिथाडा मिबथिहोदोंदि, 24 बोसोरसिगां फैनाय आनि सावथुन हे रामनि थाखाय शाहरुखआ फिसनि महराव थाइसेबो रानि चार्ज खालामाखैमोन। बेजों लोगोसे कमलआ किं खानखों जोबोर बाखायदों। इन्डियान 2 ट्रेलारनि लन्च इभेन्टआव कमल हासनआ गावनि सावथुन हे रामनि सायाव सावरायदों। 2000 माइथायाव सावथुनखों



रिलिज खालामनाय जादों। मोजां बाथ्रया बेनोमोनिदि, कमलआ बे सावथुनाव मोजां फावखुंगुरल' नडा बियो डायरेक्टर महरैबो खामानि मावदों। बे सावथुनाव शाहरुख खाननि गाहाइ फाव दडमोन। कमलआ मिबथिहोदोंदि, शाहरुख खानआ सासे गेदेर सुपरस्टार जानायजों लोगोसे जोबोर मोजां लोगोबो। जॉनि

गेजेराव स्टार्स बायदि आखु गैया। आंहा दाबो गोसोआव दड, हे राम सावथुननि थाखाय बिथाडा थाइसेबो रं लायाखैमोन, जाय बिथानि गोसो गिदिरनि सिनायथिमोन। लोगोनि सायाव बिथाडा बे सावथुनखों

फ्रिआवनों खालामदों आरो बेनिफ्राय बांसिन आंहा मा गोनांथि दंबावो। बियो सासे पावखुंगुर जानायजों लोगोसे जोबोर मोजां सुबुंबो। बे बायदिनो कमल हासनआ शाहरुख खानखों लानानै

गावनि गोसोनि बाथ्रा बुंदों। बे सावथुनाव कमलआ साकेत राम आरो शाहरुख खानआ बिथानि लोगो अमजाद आलि खाननि फावखों दिन्थिदों। शाहरुखनि अनगायैबो हे राम सावथुनाव नसिरुदिन शाह, रानि मुकार्जि, हेमा मालिनि आरो अमपुरि बायदि माखासे फावगिरिफोरा दडमोन। 1996 माइथायाव कमल हासननि आइकनिक सावथुन इन्डियानखों गिदिर पर्दायाव रिलिज खालामदोंमोन। आथिखालाव 28 बोसोर उनाव बे सावथुननि सिक्वेवेल इन्डियान 2 आ फैगासिनो दड, जाय फैगों 12 जुलाइयाव सिनेमाहलफोराव रिलिज खालामनाय जागोन।

## एसएस राजामौलि, शबाना आजमिमोनजों लोगोसे माखासे मुंदांखा सुबुंफोरखों अस्कार एकाडेमियाव हांखाय हरदों

मुलुगनि बयनिखुइबो मुंदांखा बान्थानि गेजेराव सानफाजानाय अस्कार एवार्ड बायदि बान्था, जायखों आमेरिकान एकाडेमि अफ मशन पिक्चार्स आर्टस एन्ड साइन्सेजनि गेजेरजों सावथुननि फोथाराव आलादा आलादा थाखोफोरनि थाखाय होनाय जायो। एकाडेमि अफ मशन पिक्चार्स आर्टस एन्ड साइन्सेजआ बोसोरफोमबो अस्कार एकाडेमिनि लिस्टआव गोदान सुबुंफोरखों थिसनो। बे खेबआव 487 गोदान सुबुंफोरखों बेयाव थिसनो थाखाय खावलायहरदों। एकाडेमिनिफ्राय मंगलवारआव सशेल मिडियाआव फोसावनाय जादोंदि, दर 57 हादतफोरनिफ्राय सा 487 जन गोदान मेम्बार्सखों इनभाइट खालामदों। जुदि बे गासिबो इनभाइटखों गनायना लायो अब्ला सुबुंनि अन्जिमाया बारयनानै सा 10,910 जागोन, जेराव सा 9000 निफ्रायबो



बांसिन सुबुंआ भट होनो थाखाय एलिजबल जागोन। एकाडेमिआ जाय सुबुंफोरखों हांखायहरदों, बेयाव शबाना आजमि, एसएस राजामौलि, रितेश सिध्वानि आरो रमा राजामौलिजों लोगोसे माखासे सुबुंफोरनि मुंआबो दंफायो। हांखायहरनाय सुबुंफोरनि गेजेरव सा 71 सुबुंआ अस्कार नमिनिज आरो सा 19 आ अस्कार विनार्सनि मुंआबो दंफायो। इनभाइट खालामनाय सुबुंफोरनि गेजेराव सा 44 आइजोफोरनि अन्जिमाया दंफायो। एकाडेमिनि सिइअ विन कुमारआ बेनि सोमोन्दै बुंदोंदि, जों एकाडेमियाव गोदान सुबुंनि

थिसन्यायखों लानानै जोबोद गोसो दुनानै दड। मुलुगनाडैनो बे आर्टिस्ट आरो प्रफेशनेल्सआ फिल्ममेकि कम्प्युनिटिनि सायाव गोथों गोहोम खोखलैदों। फावखुंग्रि सबाना आजमि, डायरेक्टर एसएस राजामौलि, कस्ट्युम डिजाइनर रमा राजामौलि आरो प्रडिउसर रितेश सिध्वानिनि अनगायै इन्डियान फिल्म फ्रेटरनिटिनिफ्राय गुबुन माखासे सुबुंफोरखों हांखायहरनाय जादों। बेयाव कस्ट्युम डिजाइनर शितर शर्मा, डाइरेक्टर रिमा दास, डक्युमेन्ट्रि फिल्म मेकार निशा पटुजा आरो मार्केटिनिफ्राय गितेश पाण्ड्यान मुंआबो दंफायो।

## 'महाराज' सावथुननि उनाव जुनैद खानआ गोदान सावथुननि शुटिंखोंबो जागायबाय

आमिर खाननि फि साज्जला जुनैदआ आथिखालाव डेब्यु सावथुन 'महाराज' खों लानानै सावरायनायाव दड। जानांलिस्टनि रलआव बिथानि फावखों लानानै सुबुंफोर जोबोर मोजां मोन्दों। करसनदास मुलजनि फावआव जुनैदखों जे



बायदि फाव दिन्थिदों, बिखों बिथानि अन्सायगिरिफोरा मोजां मोन्दों। आथिखालाव बे सावथुना डिजिटेल प्लेटफर्मआव रिलिज जादों आरो दाबावैसो जुनैदआ गोदान सावथुननि शुटिंआव बेस्ट जाबाय। जुनैद खानआ शाहरुख खाननि फिसाजो सुहानानि बायदि अटिटी प्लेटफर्मनिफ्रायनो डेब्यु खालामदों। महाराजआव बिथानि फावआ सासे औरैबायदि रिपटर्नि, जाय समाजखोंबो फोसाबोमोन। बियो इनाय अनगारनि सायाव गावनि रव थिखाडोमोन। 'महाराज' सावथुना भारतनि जारिमनिनि गाहाय आयेननि जाथायफोरनि गेजेराव मोनसेमोन। 1862 माइथायनि मोनसे जाथायनि सायाव बे सावथुनखों दिन्थिनाय जादों। महाराज सावथुनआ नेटप्लक्सआव रिलिज जादोंमोन। रिलिज जानायनि सिगां आयेननि बिथंआव फासिनाय बे सावथुना जेव्ला आथिखालाव सानैबो रावबो दासिमबो गावसिनि रिलेशनिपखों अपिशियेलि खालामाखे, नाथाय माखासे खाबुफोराव सानैखों जयै नुनो मोनो।

सुबुंफोरा जोबोर बिथानि बाखायदों। आथिखालाव बे सावथुननि उनाव आमिर खाननि फिसाज्जलाआ गोदान प्रजेक्टआव खामानिखों जागायबाय। एएनआइजों सावरायनायाव जुनैद खानआ गावनि फैगों प्रजेक्टनि सोमोन्दै सावरायदों। आथिखालाव बिथाडा बांदाय मिबथि होआखै। नाथाय एसे हिन्ट होदोंदि, यशराज प्रडाक्शननि उनाव बियो मोनसेबाव मुंदांखा प्रडाक्शन हाउसनि बेनार बानायग्रा सावथुनआव खामानि मावगासिनो। बिथाडा बेनि शुटिंखों जागायबाय। बेनि सिगां जुनैद खानखों लानानै औरैबायदि खोंर फैदोंमोनिदि, दिल्लीआव बियो खुशि कुमारजों लोगोसे मोनसे प्रजेक्टनि थाखाय शूट खालामगोन। बे प्रजेक्टआ मावेबा सावथुननिनो जागोन ना फोसावदिदों, बेनि सोमोन्दै सोराडाव फैयाखे। जुनैदआ मिबथिहोदोंदि, बिथानि बिफा आमिर खानआ माखासे दान सिगांनो सावथुनखों नायखांवायमोन।

# गाहाम देहानि राहा

## किशमिस आरो गोरान आंगुरआ सावस्त्रिनि थाखाय बांसिन मुलाम्फा गोनां

किशमिस आरो गोरान आंगुर मोनैबो सावस्त्रिनि थाखाय जोबोद मुलाम्फा गोनां। बबेखानि, माखासे सुबुंफोरा मोनैखोंबो एखे होन्ना सानो नाथाय मोनैनि गेजेराव गोबां फारागधि दं। गोरान फिथाइफोरनि फारिलाइयाव किशमिस आरो गोरान आंगुरखों सोफानाय जायो। किशमिस जायोब्ला, उदैयाव कनस्टिसेसननि जेनाया बाइइ जायो फारसेथिं गोरान आंगुर जायोब्ला देहायाव थै बाडो। गोरान आंगुरखों आयुवैदआव मोनसे मुलि महरैबो बाहायनाय जायो। नाथाय किशमिस आरो गोरान आंगुरनि गेजेराव मा फाराग दं आरो बेफोर सावस्त्रिनि थाखाय मुलाम्फाया गुबुन-गुबुन जायो। किशमिसनि महरया फिसा आरो नुनायाव गुसेब जायो, गोरान आंगुरफोरा फारसेथिं देरसिन आरो रोजा जायो। किशमिसनि गाबा एसे मुगा आरो गोरान आंगुरआ गोसोम मुगा गावनि जायो। किशमिसखों फिसा फिसा



आंगुरखों फोराननानै बानायनाय जायो, बेयाव बेगर थाया। गोरान आंगुरखों गिदिर अरथायनि गोमोन आंगुरखों फोराननानै बानायनाय जायो। किशमिसनाव आयरन, प्रटीन, फाइबर, के लसियाम, मेगनेसियाम, पेटेशियम, थामा आरो मँगनीज थायो। रायसिनखों भिटाडिन बी-6 नि फुंखा होनना मानिनाय जायो। किशमिस जानानै कनस्टिजेननि जेनाखों फाहामनो हायो। फाइबरजों बुंफबनाय किशमिसखोंबो हौवाफोरनि सावस्त्रिनि थाखाय मोजां होनना मानिनाय जायो। गथ'फोरनि देहायारि आरो गोसोआरि जौगानायखों गोखे खालामो। सोमनाय किशमिस जानायाबो लिथथाइखों बाडय खालामो।

हारा आरो हाथाइफोरखों गोखों खालामनो थाखाय गोरान आंगुरखोंबो जानांगों। गोरान आंगुरआव के लसियाम, पेटेशियम, मेगनेसियाम, बीटा कैरटीन, एन्टी-बैक्टीरियल बायदि गुनफोर मोन्या जायो। देहायाव थैनि आंखालखों सुफुंनो थाखाय थारैनो गोरान आंगुरखों जानांगों। फाइबरजों बुंफबनाय गोरान आंगुर जानानै हजम खालामनायखों गोखों खालामनाय जायो। एनीमिया बेरामिफोरा गोरान आंगुर जानांगोन आरो ब्लाड प्रेसारआ गाहाइ जाब्लाबो गोरान आंगुरआ मुलाम्फा गोनां। गोरान आंगुरआ बिखानि सावस्त्रि आरो कलेस्ट्रलखों सामलायनायाव मदद खालामो।

## सानसेयाव काप 2 कफि लौनाय हुदाया जौखों गोबावसिन थाना थानायाव मदद होयो




बिएमसि पब्लिक हेल्थ जर्नेलआव सेबखांजानाय मोनसे स्टाडीआव कफि लौनायनिफ्राय जानो गोनां गोहोमफोरनि बागै फोस्मायदों, जेराव जर'खायै बै सुबुंफोरखों रायखांदों, जाय खामानि मावनाय समाव गोबाव घन्टासिम दाबसे जायगायावनो जिरायनानै थानो गोनां जायो। आमेरिकान बैसो जानाय सुबुंफोरनि सायाव खालामनाय बे स्टाडीआ माखासे नोजेरै गनायथिजादों आरो कफि मोजां मोनग्राफोरनि थाखाय मोजां खोंर। बे स्टाडीआव 10,000 नि बांसिन आमेरिकान बैसो जानाय सुबुंफोरखों लापादों, जायफोर कफि लौनानै गोबाव

घन्टासिम खामानि मावोमोन। स्टाडीआव मिथिनो मोन्दोंदि, कफि लौगाफोरनि रुजुनायाव कफि लोडै सुबुंफोरनि गासैबो जाहोनावनो थैनो हाथावनाया 1.6 गुन बांसिनमोन। बेरफार्स जाय सुबुंफोरा सानसेनि बांसिन समखोंनो जिरायनानै हगारहरो आरो कफि बो लौनाय हुदा गैया बिसोर बायदिनि थैनाय खैफोदआ 60 जौखोन्दो सिम बांसिन जायो। स्टाडीआव फोरमायदोंदि, कफि लौनायनि मोजां हुदाजों बै सुबुंफोरनाव थैनाय खैफोदनि हारखों खमसिन खालामो, जाय गावनि बांसिन समखोंनो दाबसे जायगायाव जिरायनानै हगारो। गोबाव

सम दाबसे जायगायावनो जिरायनानै खामानि मावनाय समाव देहाखों एक्टिभ खालामनानै लाखिनो थाखाय सुबुंफोरा कफि लौनो मोजां मोनो। स्टाडीआव फोरमायदोंदि, बेयाव एन्टि-अक्सिडेन्टस आरो बुखांनाय होबथाग्रा गुन आनहेल्ड लाइफस्टाइलनि जाहोनाव सोमजिखांथाव बेरामफोरनि खैफोदखों खम खालामो। सानसेयाव काप 2 कफि लौनायनि हुदाया खर'-मेलेमखों गोगो एबा सांयां हेल्ड खालामनायजों लोगोसेनो थैनायनि खैफोदखोंबो बाडाइ खालामो। जर'खायै जाय सुबुंफोरनि फिजिके ल एक्टिभिता गैया होन्नानै बुंजायो एबा बिसोरनि देहायारि लोर-सोरआ जोबोद खम बिसोरनि थाखाय सानसेयाव काप 2 कफि लौनाया मुलाम्फा गोनां। गोबाव समसिम बेबादि हुदा खालामनायजों बिखानि बेराम आरो टाइप 2 डायबेटिसनि खैफोदखोंबो बाडाइ खालामो।

## हेरि पटार स्टारआ मेथ्यु लुइस नेबिल लंबटमनि थाखाय फैफिन्नो थियारि



हेरि पटारआ सावथुनफोराव नेबिल लंबटमनि महराव गावनि फावनि थाखाय सिनायथि जानाय मेथ्यु लुइसआ फैगों टिभि सिरिजआव गावनि आखु दिन्थिनो हागौनि सायाव सावरायदों। हेरि पटार निउयर्क स्टारआव

जोबोद लोरबां। आथिखालाव, बिथाडा बुंदोंदि, बियो बिब्दि जेबो नडा जायखों आं नुदों मा खालामनो नागिरदों, नाथाय बेजों आनि गन्थंआ देमबाया। बिथाडा बेखों मोनसे आलादा वाइब हिसाबै बुंदों, जेखों बियो थारैनो नायगोन आरो सानगोन। बार्नर ब्राडार्स डिस्कवारि नाव हेरि पटार रिबुटनि थाखाय मख'जाथाव बिथानिफोर दड। जायनि थांथिथि मोनफ्रोम सिजनआव बेनिफ्राय मावेबा मोनसेखों गथायना होनांगों। बे सिरिजनि प्रिमियारआ 2026 माइथायाव मेक्सआव जागोननि मिजिं दड।

## 'रेड वान' सावथुननि रिलिज अक्टआ सोराडाव फैबाय



हलिउडनि मुंदांखा फावखुंगुरफोरनि सोमोन्दै सावरायब्ला बेयाव क्रिप्स इबान्सआ गोर्जोसिमाव जायगा मोनोमोन। सुपर हिर' केप्टेन आमेरिकानि महराव बिथाडा सावथुन मुलुगाव गाहाइ सिनायथि बानायदों। बेनि गेजेरजों क्रिस इबान्सनि फैगों सावथुन रेड वाननि ट्रेलारखों रिलिज खालामनाय जाबाय। बे सावथुनाव बियो सुपरस्टार डवेन जनसनजों स्क्रिन शैयार खालामनाय नुनो मोनगोन। रेड वानजों स्क्रिन शैयार खालामनाय नुनो मोनगोन। रेड वान डवेननि सुपरहिट सावथुना फ्रेन्चाइजि नि मोनसे बाहागो। क्रिस इबान्सआ फैगों समाव सावथुन रेड वानआव नुजाथिगोन। जायनि ट्रेलारआ थानाय सानआव एमाजन एमडिएम स्टुडियनिफ्राय गावनि अफिशियेल इडुटब चेनेलआव लन्च खालामनाय जाबाय। ट्रेलारआव दिन्थिनाय जादोंदि, क्रिप्स डवेन जनसनजों लोगोसे मोनसे रेड सान्ताखों नागिरनो थाखाय मिशनआव ओंखारो, जेराव बिसोरो माखासे जेनाजों मोगा-मोगि जानांदों। जुमान्जिनि मुलुगाजों लोब्बा थानाय सावथुननि जाहोनाव ट्रेलारआव नौथांमोनहा गोबां रोखोमनि जुनातखों गावनि सुपरनेचारेल गोहोजों नुनो मोनगोन, जेराव बे ट्रेलारखों बांसिनै बिदे गोनां बानायगोन। सावथुनाव इबान्सनि फावआ सासे हैकारनि जानो हागौ। सावथुननि दिहुनिगिरिया हलिउडनि फेमास फिल्ममेकार जेक कसदनआ खालामदों, जायनि बेनि सिगां जुमान्जि बायदि माखासे जाफुंसारनाय सावथुनफोरखोंबो बानायखांबाय। क्रिस इबान्स आरो डवेन जनसननि ज'रखों सिल्भार स्क्रिनआव जयै नायनो थाखाय अन्साइगिरिफोरखों बोदोर जानाय नुनो मोन्दों। केप्टेन आमेरिकानि उननिफ्राय क्रिस इबान्सनि केरियारआ जाफुंसारनानै फावगिरि महराव जौगादों। आथिखालाव दा मार्बल युनिवार्सआव बिथानि फावआ जोब्याय। रेड वाननि रिलिज अक्ट' फारसे नोजेरै होयोब्ला 15 नवम्बर 2024 आव बे सावथुना सिनेमा हलफोराव रिलिज जागोन।

## जाह्नबि कापुरखों एयारपर्टयाव जबरदस्ति सेल्फि लानो थाखाय अन्सायगिरिफोरा बेंखनदों

गोबां खेब फावगिरिफोरा नौथांखों खुसि-खुसियै सावगाारि क्लिक खालामनो होयो, नाथाय माखासे खेब बिथानिमोनजों जबरदस्तिबो खालामो। बिब्दि जाथायाव हिन्जाव फावगिरिफोरखों गोबां खेब आनकम्परेबल खालामो। बिब्दिनो फावखुंग्रि जाह्नबि कापुरजोंबो जादों। जेव्ला बियो मुम्बाइ एयापर्टनिफ्राय बायजोआव फैगासिनो दडमोन। फावखुंग्रिआ एयारपर्टनिफ्राय बायजोआव ओंखारबोदोंमोन, अब्ला माकासे अन्सायगिरिफोरा बिथानि सेल्फि लानो थाखाय बेंखनदों। पिल्मिज्ञानआ मोनसे भिडिअ शैयार खालामदों, जेराव फावखुंग्रिखों केजुएल जि गानाय एयारपर्टनिफ्राय बायजोआव फैनाय नुनो मोन्दों। जाह्नबिआ जैरैनो गावनि बेगखों लानानै आवगायबोनो हमो, अब्ला सुबुंफोरा बिथानिखों खाथि-खालानिफ्राय सेल्फि लानो थाखाय बेखनदों। बेनि गेजेरजों जाह्नबिआ एसे उसु-खुथु मोन्दोंमोन। नाथाय अब्लाबो बियो अन्सायगिरिफोरखों जोबोर गोसो हमथाना सेल्फि लाहोदों। जाह्नबिआ अविब गोथां गावनि कटन शार्ट आरो गोसोम पेन्ट्स गादोंमोन। बेनि उनाव बिथाडा फंबाय अर्जुन कापुरनि मिड नाइट बार्थडे सेलिब्रेशनआवबो



बाहागो लानाय नुदों। जाह्नबि कापुरआ गुनजन सकसेना, गुड लुक जेरि आरो मिलि बायदि माखासे विमेन सेन्ट्रिक सावथुनफोर होदों। थाबैनो बियो सावथुन 'उलझ' आव सासे आइएफएस बिबानगिरिनि फाव दिन्थिनाय नुनो मोनगोन। बे सावथुनाव रसन मैथ्यु आरो गुलशन देबैया'आबो दड आरो बेखों जंगलि पिक्चार्सआ प्रडिउसा खालामगोन। गुबुन फारसेथिं, माहारियारि बान्था देरहनाय सुधांशु सरियाआ बेखों डायरेक्ट खालामगोन। बे सावथुना 2 आगस्तआव सिनेमाहलफोराव रिलिज जागोन। सावथुन मुलुगनि अनगायैबो फावखुंग्रिआ गावनि डेटिं लाइफखों लानानैबो सावरायजाबाय थायो। खोंरंआव मिबथिनाय बायदिब्ला, फावखुंग्रिआ सिखर पाहाडियाजों रिलेशनआव दड। आथिखालाव सानैबो रावबो दासिमबो गावसिनि रिलेशनसिपखों अपिशियेलि खालामाखे, नाथाय माखासे खाबुफोराव सानैखों जयै नुनो मोनो।



# भारतआ गावनि सुबुंफोरनि थाखाय एडभाइजारि फोसावदों

केन्या, 26 जून : केन्याआव टेक्स बांनयजों खुद्विखानाय रोजा रोजा सुबुंफोरा थांनय मंगलबारखालि संसद परिसरआव हाबो। केन्यानि संसदआव हाबनो नाजाबाय थानाय धर्ना होग्राफोरनि सायाव पुलिसआ गुलि गावयो, जेराव धर्ना होग्राफोरनि जिउ गोमायो आरो माखासेफोरा जोखोम जायो। धर्ना होग्राफोरा संसद भवननि माखासे बाहागोफोरव अर लगानाय होयो, जाय समाव धर्ना होग्राफोरा केन्या संसद परिसरआव हाबनाय एमपिफोरा टेक्स बांनयजों सोमोन्दो गोनां बिलनि सायाव सावरयगासिनो दड। बेनि गेजेरव नेरबियाव धर्ना होग्राफोर आरो पुलिसजों दावराव-दावसि जानायाव सा 10 सुबुंफोर थैयो। बेराफारसे, गावलायनायाव सा 50 सुबुंफोरा जोखोम जायो। बे हिंसायारि जाथाइखौ लानानै भारत सरकारबो जिंगा सिदों। केन्यानि नेरबियाव थानाय भारतयारि हाइ



कमिशनरा बेयाव थानाय भारतयारिफोरनि थाखाय माखासे गाइडलाइन्सफोर शेरार खालामो। भारतयारि हाइ कमिशनरा गावनि एक्स हेन्डोलाव लिरदोंदि, केन्याआव भारतयारि नोगोरारिफोरनि थाखाय जेना गोनां थासारिखौ नोजोर होनानै केन्याआव गासै भारतयारि नोगोरारिफोरखौ बांसिनै सांग्रां जानो बोसोन होनायजादों। फारसेथिं सुबुंफोरा

गोनांथि गैया जासे बायजोआव ओंखारनो नाडा। मोनसे रिपर्टआव फोरमायनाय बायदिब्ला, बेरेखा दोलोनि दैदेनगिरि रेला अडिंगाया धर्ना होग्राफोरनि हेंथायै हिंसाखौ थाबैनो होबथानो दाबि दैखाडो आरो सावरयनायनि गेजेरजों जेनाखौ सुखांनो खावलायो। धर्ना होग्राफोरा गोदान टेक्सखौ हेंथा होगासिनो दड, जेराव इक-लेभिआबो दंफायो। बेजों

डायपार बायदि बेसादफोरनि बेसेना बांगोन। आथिखालाव ब्रेडनि सायाव टेक्स लागाना होनाय थांखिखौ सुबुंफोरनि हेंथा होनाय उनाव बोखारना होदोंमोन। केन्यानि सुबुं मोन्थाइ आयगआ धर्ना होग्राफोरनि सायाव गुलि गावनाय बिबानगिरिफोरनि भिडिअखौ शेरार खालामनानै बेनि सायाव फिन्नाय होनांगौ होन्ना बुंदों।

## सा गाजायाव इज्राइलआ थाबैनो गावनि खुंथाय गायसन्नो यजना लादों



तेल अभिब, 26 जून: इज्राइल आरो हामासनि गेजेरव लान्थियै दावहा सोलिंगासिनो। बे समाव गोबां सुबुंफोरनि जिउ गोमाबाय। इज्राइलनि माहारियारि रैखाथि बोसोनगिरि तजार्जि हानेगिबआ बुडेदि, जेरुजालेमआ थाबैनो गाजायाव हामास खुंथायखौ सोलायनायनि यजनाखौ

जागायगोन। रिचमैन मुलुग सोलोंसालिनि बोसोरारि हर्जिलिया समेलनाव हानेगिबआ बुं डोदि, हामासनि खुंथाय खुंथायनि सान्थिआरि गोहोखौ गावसाहोनानै बै हादतफोरनि थाखाय खाबु ओंखारगोन, जाय गाजायाव हामासनि अश्वन महरै जायगानि दैदेनगिरिजों

सामलायजानाय मोनसे खुंथाय बेबस्थाखौ नायनो हास्थायो, जाहाथे बिसोरो बे हाबाफारियाव थाफोनो हायो। बिथाडा फोरमायबावोदि, गोदान सरकारआव इज्राइलनि आब्राहाम रादाय महरै इडएसएआबो थाफागोन। फारसेथिं इज्राइलनि सान्थिआ हामासखौ फोजोबनो थाखाय खामानिखौ सोलिहोलांगोन। बिथाडा बुं बावोदि, बेनि सायाव आमेरिकाया गनायथि होयो, जेराव सोलिफु सप्ताहनि सावरयनायाबो दंफायो आरो रैखाथि मन्थि गेलेन्टिनि गेजेरजों सावरयनायाबो दंफायो। आमेरिकाया दावहानि उनाव गाजायाव खुंथाय खुंथायनि थाखाय मोनसे थांखिखौ रोखा खालामनो थाखाय इज्राइलनि बिबानगिरिफोरनि सायाव नारसिदों। गाहाइ मन्थि नेतन्याहुआ गोखोडै बुडेदि, इज्राइलनि मोन 3 दावहानि थांखि दड। बेफोर जाबाय हामासनि सान्थिआ आरो खुंथाय गोहोफोरखौ फोजोबसनांनय, गासिबो बेंखनाव दोनहैजानायफोरखौ उदां खालामनाय आरो गाजाया इज्राइलनि थाखाय खैफोद गैयै होन्ना रोखा खालामनाय।

## अरुनाचल प्रदेशनि बर्डुमसायाव रेगिं खालामनाय जाथायाव सा 20 फरायसाफोरा जोखोम जादों



इटानगर, 26 जून: अरुनाचल प्रदेशनि सांलां जिल्लानि बर्डुमसा उक्रा महकुमायाव रेगिंनि मोनसे गोब्राब जाथाय सोमजिदों। मंगलबारखालि सान्जौफु समाव बर्डुमसनि जवाहर नभदया फरायसालियाव 11 थि थाखोनि फरायसाफोरनि गालोबनायाव 8 थि थाखोनि सा 20 फरायसाफोरा जोखोम जायो। बे जाथाया 25 जुननि सान्जौफु 2.00 रिगासोआव जायो, जेक्ला फरायसालिआ गवायमोन आरो फरायसाफोर सान्जौफुनि आदार जादोंमोन। जवाहर नभदया फरायसालियाव सा 530 फरायसाफोर आरो सा 18 फोरगिरिफोर गोनां गंसे बर्डिं स्कुल। बेयाव सोमजिनाय बे जाथायजों फरायसालियाव गिखंथाव थासारि सोमजियो। फरायसालिनि गोरयुं रजिब रज्जना बुंदोंदि, बै जाथायनि इसे उनावनो मोनसे खुंथायारि समिटिनि जथुम्मा खुंदों आरो रेगिं खालामनायाव थाफानाय सा 5 फरायसाफोरखौ सास्पेन खालामनायनि थांखि लायो। बेनि सिगां रेगिंआव देहायारि आरो गोसोयारि जोखोम मोन्नांनय फरायसाफोरखौ फाहामथाय होनाय जायो। गोरयुं रज्जना आ सास्पेन खालामजानाय फरायसाफोरखौ बिसोरनि दिथागिरिफोरनो खौरं हरनानै अखानायै फुडवनो गथायना हरनो थांखि फोसावो। जवाहर नभदया सोलोंसालिआव नुजाथिनाय रेगिंनि जाथाया जाखांफु फरायसाफोरा सहायनांनय गोब्राब देहायारि आरो गोसोयारि दुखु मोन्नांनयखौ सोराडव लाबोदों। बिमा-बिफा आरो दिथागिरिफोरा बेबादि गिखंथाव जाथायफोरखौ होबथानायाव जाफुंसारैनि थाखाय फरायसालि खुंथाय, जर'खायै गोरयुंखौ गोखोडै सोंखारियो। बिसोरो दायनिगिरि फरायसाफोरनि हेंथायै गोखोडै नायबिजिरनो आरो फरायसालि बिबानगिरिफोरनिफराय रोखा फिन्नाय दाबि खालामदों।

## इउएनजिएयाव पाकिस्ताननो भारतआ फिन गोखों फिन्नाय होदों



गोदान दिल्ली, 26 जून: पाकिस्ताननि काश्मीरखौ लानानै बुंनय बाश्राफोरा मुलुगनि जेरावखि जाया एसेब्लाबो रिखाडो। बिबिनो फिन खेबसेबाव पाकिस्तानआ इउएन जेनेरल एसेमब्लियाव फिन काश्मीरनि बाश्रा गयखांदों। फारसेथिं भारतआ पाकिस्ताननि बेबायदि आखुखौ सोंखारिदों। पाकिस्ताननि खाश्मीर आयदाखौ फिन खेबसेबाव गयखांनयाव भारतआ गोखोडै बुडेदि, बियो बिथा गैयै आरो जेना गोनां बिबुंथि होनायनि थाखाय सोंखारियाखै। इउएनआव भारतनि अरायथा थान्दै हान्जाया होनाय बे बिबुंथिया सोमोन्थाव बाश्रा नडा। जों बे बिबुंथिनि सायाव इउएन जेनेरल एसेमब्लिनि बेसेनखौ आदि खालामनो साना। दिनें थान्दै आफादआ गुदि बिथा गैयै आरो नंखाय बाश्रा फोसावनायनि थाखाय जौसांखौ गात्रि रोखोमै बाहायदों, जाय गोदान बाश्रा नडा। बे जौसांनि मान आरो बेसेनखौ रोखा खालामनायनि थाखाय जायखि जाया रोखोमनि फिनजाथाय होनानै बे बिबुंथिनि आयदाखौ फोलावनो हास्थया होन्नाबो माथुरआ बुडेदि। मख'जाथावदि, पाकिस्ताननि काश्मीरखौ लानानै हारिमायारि जौसांआव दाबि दैखानाया गिबि खेब नडा, सिगांआवबो पाकिस्तानआ गोबां खाबुफोराव बे आयदाखौ गले-गले दैखानों। खेबफोमआवबो भारतआ पाकिस्ताननो गोखों फिन्नायबो होबोदों। काश्मीरनि आयदाखौ दैखानों नाजाबाय थानायखौ गोबां हारिमायारि जौसांआव भारतआ सोंखारिना, जम्मु-काश्मीर आरो लाहाखुखौ एंगार हायै बाहागो होन्ना जेब्लायबो भारतनिनो थागोन होन्ना बुंदों।

## इज्राइलआ उतखारिफोरखौ सायख'नानै गावथारगासिनो दड

काहिरा, 26 जून: इज्राइलनि सान्थिफोरा मंगलबारखालि फुडव गाजा सहराव मोनथाम आलादा-आलादा उरां जाहाजजों गाल्लोबो। गाजानि सावस्त्रियारि बिफाननि बिबानगिरिफोर आरो फाहामगिरिफोरा बुडेदि, बे गाल्लोबनायाव खमैब्लाबो सा 24 फिलिस्तानीफोर थैयो। थैनायफोरनि गेजेरव उतखारि इस्लामी हान्जा हामासनि गाहाइ इस्माइल हनियेहनि बिबानावआबो दंफायो। जायगानि थागिबिफोर बुडेदि, इज्राइलनि टेंकआ हरसे एन्कलेभनि खोलाहा रफाहनि सोनाबारि ओन्सोलफोराव हाबो, जायजों माखासे न'फोर



उरायो। फाहामगिरिफोरा बुंनय बादिब्ला, इज्राइलनि उरां जाहाजजों गाल्लोबनायफोराव गाजा सहरनि गंने स्कुलफोराव गाल्लोबो, जेराव खमैब्लाबो सा

## इटालियाव भारतयारि फोलेरनि लेबारफोरा सतनाम सिंह थैनायनि सायाव सोमावसारनायखौ जागायदों

रम, 26 जून : इटालिनि लेटिनानि आबाद फोथाराव खामानि मावग्रा सासे भारतयारि लेबारआ माखासे सानफोर सिंगा लामानि जाब्रबथाइ जानायनि उनाव थैयो। बे लामानि जाब्रबथायाव बिन आखायाबो ज'दोंमोन। सतनाम सिंह मुनि सुबुंनि आखाया बे समाव जयो, जेक्ला बियो आबाद फोथाराव खामानि मावगासिनो दडमोन। बे समाव सुबुंफोरा मदत होया जासे बिखौ न'नि खाथिनि लामायाव गारनानै दोनहैयो। सतनाम सिंहजों लोगोसे जानाय बे इनाय-अनागारनि हेंथायै इटालियाव थानाय भारतयारि फोलेरनि सुबुंफोरा सोमावसारनो जागायो। रोजा रोजा भारतयारि, जायफोरा इटालिनि आबाद फोथाराव लेबार मावगासिनो दड बिसोर आइन बेरेखा हाबफैनाय गुबुन हादतयारिफोरनि सायाव खालामनाय इनाय-अनागारनि सायाव जिंगा सिनाय फोरमायदों। मख'नो गोनांदि,



लेटिनआ रमनि खोलाहा थानाय मोनसे गामियारि ओन्सोल, जेराव रोजा-रोजा भारतयारि लेबारफोरा थयो। इटालियाव थानाय भारतयारि थान्दै मावख'या सतनाम सिंह थैनायनि सायाव जिंगा सिनाय फोरमायदों। भारतयारि थान्दै

मावख'या एक्सआव मोनसे बिबुंथियाव बुडेदि, थान्दै मावख'या इटालिनि लेटिनायाव सासे भारतयारि नोगोरारि थैनायनि खौरं मोन्दों। बेनि सोमोन्दै जों जायगानि बिबानगिरिफोरजों लोगोसे सोमोन्दो लाखिदों। फारसेथिं

नख'रजों सोमोन्दो लाखिनाय आरो हेफाजाब होनो नाजानायाबो सोलिगासिनो दड। इटालिनि गाहाइ मन्थि जजिया मेलनीया बृहस्पतिबारखालि केबिनेटनि जथुमायाव सिंह थैनायनि सायाव दुखु मोन्नाय फोरमायनानै बे जाथायखौ गोखोडै सोंखारिदों। इटालिनि माखासे ट्रेड इडनियनआ बे जाथायखौ गिखंथाव होन्ना फोरमायदों। बेराफारसे सतनाम सिंहनि नख'रनो रेहाय होनो थाखाय माखासे ट्रेड इ उ न य न आ बो आवगायबोदों।

## बोसोरफोमबो जौजों 30 लाख सुबुंफोर थैयो

जेनेभा, 26 जून : हुआ जौखौ लानानै गोमोथाव बाश्रा फोरमायदों। बेनि सोमोन्दै हुआ मंगलबारखालि मोनसे रिपर्ट दिन्थिनानै बुडेदि, जौनि जाहोनाव बोसोरफोमबो गासै 30 लाख सुबुंफोर थैयो। बेजों लोगोसे बिथाडा बावैसोनि बोसोरफोराव थैनायनि बिबाडव



एसे दावखलायनाय फैदों। बे गोदान रिपर्टखौ लानानै हुआ बुडेदि, अन्जिमाया खम जादोंब्लाबो गनायजाथावै महरै गोजौ थाखोयवनो दड। जौ आरो सावस्त्रिनि सायाव दिन्थिनाय बे गोदान रिपर्टआव बुडेदि, जौ लोंनायजों बोसोरफोमबो मुलुगनाडै सा 20 सुबुंफोरनि गेजेरव सासे सुबुड थैयो। जों लोंनानै गारि सालायनाय, जौनि जाहोनाव जानाय हिंसायारि जाथाइ, गात्रि

आखु दिन्थिनाय आरो माखासे बेमारफोरनि जाहोनाव थैयो। रिपर्टनि बायदिब्ला, थानाय 2019 आव जौ लोंनायजों 2.6 मिलियन थैदों। बे गोदान अन्जिमाआ बे बोसोराव मुलुगनाडै गासै थैनायफोरनि 4.7 जौखोन्दो बिसोरनि गेजेरव गासै बै बाहागोनि 3 बाहागो थैनाय हौवाफोमोन होन्ना रिपर्टआव बुंदों। हुनि गाहाइ बिथोनगिरि टेस एडनम घे ब्रे ये सासआ बुंनय

बायदिब्ला फेरा बेसाद जाग्रा सुबुंफोरनि सावस्त्रिया गोब्राबे ख'हा जायो। बेखौ जानायजों गोजाम बेमारफोर, गोसोयारि सावस्त्रिनि थासारियाव ख'हाया बाडो आरो दुखु नांथाव महरै बोसोरफोमबो लाख-लाख सुबुंफोरा थैयो, जायफोरखौ होबथानो हायोमोन। बिथाडा फोरमायबावदोंदि, 2010 निफ्राय मुलुगनाडै जौ लोंग्रा आरो बेजों जानो गोनां ख'हायाव एसे दावखलायनाय फैदों।

## पाकिस्ताननि लेडाइ हादरगिरिआ न'सुंसे हादरनि सोमोन्दोखौ फोजौखांनो खावलायदों



इस्लामाबाद, 26 जून: नेरद मदिआ लान्थियै थामथि खेब भारतनि गाहाइ मन्थि जाबाय। बावैसो सिगां जानाय लकसबा जथुम्मानि उनाव एनडिआ बांसिन भट मोन्नो हादों। मदिआ

फिन गाहाइ मन्थि जानायनि उनाव बिथानो मुलुगनाडैनि दैदेनगिरिफोरा हामब्लायथि हरदों। लोगोसेनो माखासे हादरफोरा भारतजों मोजां सोमोन्दो लाखिनो थाखाय गोसो गुदुं जानानै दड। अदेवानि भारत-

पाकिस्ताननि फोरायबो दरने हादरफोरनि सोमोन्दोखौ लानानै जर'खा फिन्नाया सोराडव फैदों। पाकिस्ताननि लेडाइ गाहाइ मन्थि आरो गुबुन हादरयारि मन्थि इशक डारआ भारत सरकारनिमिम दरने न'सुंसे हादरनि सोमोन्दोनि इयुनखौ लानानै गोथौयै सान्थो खावलायदों। मोनसे हाबाफारिआव बिथाडा भारतजों पाकिस्ताननि सोमोन्दोखौ लानानै गावनि सिगाडाव बिबुंथि होनायखौ रायखांफिन्दों आरो बुंदोंदि, पाकिस्तानआ जेक्लाबो भारतजों मोजां सोमोन्दो लाखिनो थाखाय गोसो गुदुं जानानै दड। अदेवानि भारत-पाकिस्ताननि सोमोन्दोआ जारिमिन महरैनो गात्रि सोलिबोदों। नाथाय पाकिस्तानआ सुथुर सानलायनायखौ फोथाया। बिथांमोनहा गावजों-गाव सन्मान, सबारेन्ट समानथि आरो गोबाव समनिप्राय सोलिबोनाय जम्मु-काश्मीर जेनाखौ बिजिरनाय आरो गोजोनै सुखांनयनि सायाव बिथा खालामनानै भारतजों मोजां सोमोन्दो लाखिनो हास्थयो। बिथाडा बुंबावोदि, भारतजों मोजां सोमोन्दोखौ रोखा खालामनो पाकिस्तानआ गोनांथि जानाय मोनफोमबो थांखिफोरखौ आजावगोन। नाथाय गावसोर जायखि-जाया भारतयारि सान्थिनि गनायथावै फिन्नाय होनायखौ सहायालासे फिनजाथाय होनायाव उन जानाय नडा।



## सिलिखौ फेजेन्नानै आर्जेन्टिनाआ कपा आमेरिकानि क्वार्टर फाइनालाव

इस्ट राडरफर्ड, 26 जुन: कपा आमेरिकाआव आर्जेन्टिना नि देरहानाया अन्सायगिरिफोरनि गेजेराव फिन रंजाखानायनि दोहौ लाबोगासिनो दड। वर्ल्ड सेम्पियन आर्जेन्टिनाआ गोखोडे दिन्थिफुनो हानायजो बे दुर्नामेन्टिन क्वार्टर फाइनालाव सौहैबाय। लाउटेर' माटिनेसनि 88 मिनिटआव रिबाउन्डआव गल सोनायजो आर्जेन्टिनाया सिलिखौ 1-0 गलआव फेजेन्नानै दुर्नामेन्टिन क्वार्टर फाइनालाव गावसोरनि मासिखौ लाखिदो। बे मेचनि समाव आर्जेन्टिनाआ खुनु-रुखुमैसो मेचआव देरहादो बुंजायो। जेराव हान्जानि मुंदाखा गेलेगिरि लियनेल मेसिनि कनारि किकआव जोहराय शटखौ सिलीनि गल किपार क्लाउडिय ब्राभआ होबथानो हादोमोन। बिथाड माटिनेसनि गल जोसगोनखौ थाल मोनाखैमोन। मानोना बे बलआ रिबाउन्ड जाफिन्दोमोन। बे गलआ माटिनेसनि सोलिफु दुर्नामेन्टिनआव नैथि गल सोनायमोन। भिडिअनि गेजेरजो रिभउ खालामानै गल



सोनायखौ मिथिनो मोन्नायनि सिगां गेलेगिरिफोर माखासे गो-गोथो थासायिआव गोहलैदोमोन। जाउनाव 3 मिनिटसिमहालागै मेचआ थाद'दोमोन। बे गलआ हायुडारि हान्जानि ताखाय माटिनेसनि 26 थि गल सोनायमोन। आर्जेन्टिनाआ गुप एआव 6 पइन्टजो सिगांसिन जानानै दड। जनाथन डेभिडआ मेचनि 74 थि मिनिटआव गल सोनाय गुबुन मोनसे मेचआव कानाडानि हान्जाखौ पेरुनि हेँथायै 1-0 गलआव देरहादो। बे देरहानाया 24 बोसोराव कानाडानि

गावसोरनि खोला आमेरिकानि बादायारि हान्जाखौ गिबिचै फेजेन्नाय। जेकब सांफेल्डबार्नि बेरेखायै टेकल खालामनायनि थाखाय बे मेचआव मिगुएल अराउखआ रेड कार्ड दिन्थिजानायनि उनाव पेरुआ 59 थि मिनिटसिमहालागै 10 गेलेगिरिफोरजो बादायानदो। जेराव मिगुएलआ भिडिअ रिभउनि गेजेरजो रेड कार्ड होजानायनि थिरंखा लाजादोमोन। कानाडानि हान्जाया थांनाय दानआव कच महरे थिसनजानाय आमेरिकानि जेसि माशीनि दितायाव खेबत्रै मेचफोरार गिबि देरहानायखौ थिसन्दो।

## भारतयारि अलिम्पिक एस'सिएसनआ अलिम्पिकआव मेडेल देरहानाय गेलेगिरिफोरनो गिदिर राडारि बान्था फोसावदो

गोदान दिल्ली, 26 जुन: पेरिस अलिम्पिकआ फेगौ 26 जुलाइनिफ्राय जागायजेनगोन। बेनि थाखाय सिगां समावनो भारतयारि अलिम्पिक गौथुमआ मेडेल देरहानाय गेलेगिरिफोरनि सोमोन्दै मोनसे गिदिर थिरंथा लादो। आइएएआ अलिम्पिकआव मेडेल देरहानाय गेलेगिरिफोरनि राडारि बान्थाखौ बांहोनाय फोसावदो। आइएएआ गिबि खेब 2018 आव जाकार्टायाव जालांनय एसियान गेम्सनि बान्था देरहागिरिफोरनो नोगोद राडारि बान्था होनाय समनफ्रायनो भारतयारि अलिम्पिक गौथुमआ गेलेगिरिफोरनो बान्था होबोनायनि थिरंथा लाबोदो। रिपटनि बादिब्ला, टकिय अलिम्पिक 2021 आव गौथुमआ सनानि मेडेल देरहागिरिनो 75 लाख रं, रुफानि मेडेल देरहागिरिनो 40 लाख रं आरो ब्रन्ज मेडेलिस्टनो 25



लाख राडारि बान्था गथायदोमोन। नाथाय बे खेबआव आइएएआ बे राडारि बान्थाखौ बांहोनाय सनानि मेडेल देरहागिरिनो 1 कौटि रं, रुफानि मेडेल देरहागिरिनो 75 लाख रं आरो ब्रन्ज मेडेलिस्टनो

50 लाख रं बान्था फोसावबाय। थामहिनबा थांनाय खेबनि रुजुनायाव सनानि मेडेल देरहागिरिआ 25 लाख रं, रुफानि मेडेल देरहागिरिआ 35 लाख रं आरो ब्रन्ज मेडेलिस्टनो 25 लाख रं बान्था बांसिन मोनगोन।

आइएएआ अफादगिरि पिटि उषाआ सोलिफु बोसोरनि अलिम्पिकआव गावयारि मेडेलनि अन्जिमाखौ नैफान बांगोननि मिजिथि लादो। बेनि थाखाय आइएएएनिफ्राय हासिडे बादायनायाव गं 10 मेडेल

देरहाथारोनाखौ मिजिथि लायो आरो बेनि थाखाय 7 कौटि रंनि बाजेट थि खालामदो। मख 'नो गोनादि, पेरिस अलिम्पिकआव 25 सनानि थाखाय आइएएआ सानफ्रोमबो गेलेगिरिफोरनो 50 डलार राडारि बान्था फोसावदो। भारतआ दासिमाव अलिम्पिकआव गासै गं 35 मेडेलफोर देरहाबाय। जायनि फारिआव गं 10 सना, गं 9 रुफा आरो गं 16 ब्रन्ज मेडेल देरहानायफोर दड। बेनि गेजेराव भारतनि साबसिन दिन्थिफुनाया टकिय अलिम्पिकआव थिसनजादो। जेराव भारतआ गं 7 मेडेलफोर देरहादोमोन। बे समाव भारतनिफ्राय अभिनभ बिन्द्रा आरो निर'ज चप्राआ हासिडे बादायनायाव सनानि मेडेल देरहादोमोन।

## अलिम्पिकआव गोदान गेलेमुफोरखौ जायगा होनायनि माखासे खान्थिफोर थायो

गोदान दिल्ली, 26 जुन: फ्रान्सनि राजथावनि पेरिसआव फेगौ 26 जुलाइनिफ्राय 11 आगस्टनि गेजेराव गेलेमुनि देरसिन इभेन्ट गनायजानाय पेरिस अलिम्पिकआ खुंफुंजागोन। 19 सानसिम सोलिनो गोनां बे मेगा इभेन्टआव गासै 10500 निबो बांसिन एथलीटफोर बाहागो लागोन। गासै मोन 32 गेलेमुफोरार एथलीटफोर गावसोरनि गैथिथि दिन्थिफुगोन। बे इभेन्टनि थाखाय पेरिसनि मोन 35 जागाफोरखौ सायख 'नाय जागोन। मख 'नो गोनां बाश्चादि, खुंफुंजानो गोनां पेरिस अलिम्पिकआव मोनब्रै गोदान गेलेमुफोरखौ जायगा होदो। जायनि फारिआव ब्रेकिं, स्म्ट क्लाइम्बिं, स्केट बर्डि आरो साफिआ दड। बेफोरनि गेजेराव साफि, स्केट बर्डि आरो स्म्टस क्लाइम्बिआ 2021 आव जालांनय टकिय अलिम्पिकआवबो जायगा मोन्दो। थामहिनबा ब्रेकिआल' बे खेबआव गोदान इभेन्ट जागोन। बेबादि थासायिआव माबादि गेलेमुआ अलिम्पिकआव जायगा मोनो बेबादि सांलुआ गोबादि गोसोआव सिखांनो होमो। इन्टरनेसनल अलिम्पिक कमिटीनि नोजोरथियाव अलिम्पिक इभेन्टआ खुंफुंजायो। बान्जायग्रा सहर सायख 'नायनि सिगां आइएसिनि बोसोरनि सावयनाय सिजनआवनो गेलेमुफोरखौ सायख 'नाय जायो आरो उननि समाव बान्जायग्रा हादरनि गेलेमु कमिटीनिसिम गोदान गेलेमुफोरखौ सपजाबनो सुबुरुन होयो। बेनि थाखाय गेलेमुआ आइएसिनि गनायजानाय क्वालिफिकेसनखौ मोन्नांगो जायो आरो इन्टरनेसनल फेडरेसनआ बेनि सायाव नायबिजिरो। बेनि अनगायैबो बे गेलेमुआ



अलिम्पिक सार्टरनि नेमखाथिखौ गनायनाय जानांगो। बेनि अनगायै वर्ल्ड एन्टि डपि एजेन्सिनि नेमखाथिखौ फालिनायनि अनगायै अलिम्पिक मुभमेन्ट कर्टनि नेमखाथिखौ गोरोबनाय जानांगो। बेबादि जाखांनयनि उनावसो इन्टरनेसनल अलिम्पिक कमिटी, अलिम्पिकनि थाखाय हादर आरो बान्जायग्रा सहरजो लोगोसे गेलेमुनि सायाव थिरंथा लायो। 2014 नि डिसेम्बर दानआव अलिम्पिक एजेन्डा 2020 नि जागायजेनयनि उनाव अलिम्पिक गेम्सनि थाखाय गेलेमुनि सायख 'नाय लामायाव सोलायनाय लाबोदो। बेबादि सोलायनायनि गुबै जाहोनाओ जादो अलिम्पिकआव गेलेमुफोरनि अन्सायगिरिफोरजो बोजबजानायनि सायावबो नोजोर लाखिनाय।

## शटपुट खुबैग्रा तेजिन्दर पालआ नेसनेल इन्टारस्टेट एथलेटिक्स सेम्पियनसिपनिफ्राय जानगारआव

गोदान दिल्ली, 26 जुन: भारतनि मुंदाखा शटपुट खुबैग्रा तेजिन्दर पाल सिंह तुरआ आथिं साखांनय जेनानि जाउनाव हायुडारि इन्टारस्टेट एथलेटिक्स सेम्पियनसिपनिफ्राय 1 य जानगारआव थाबाय। बृहस्पतिवारखालि पन्चकुलाआव जागायनो गोनां बे इभेन्टआ खुंजानो गोनां पेरिस अलिम्पिकनि थाखाय क्वालिफाइ जानायनि जोबथा खालुमोन। थांनाय माखासे सान सिगांसिम एसियानि रेकर्ड हल्लारआव थांनाय तुरआ वर्ल्ड रेकिं कटानि गेजेरजो पेरिस गेम्सनि थाखाय क्वालिफाइ जानायनि लामायाव दडमोन। बिथाडा सोलिफु एसियान सेम्पियन आरो एसियान गेम्सनि सनानि मेडेल देरहागिरि जानानै दड। बबेखानि बिथाडा बे इबेन्टनिफ्राय गावनि मुंखौ बोखांनानै लाफिन्नायाव क्वालिफाइ जानायनि लामायाव जेना मोनसिगोन। तुरआ



खौरांगिरिनि सिगाडाव आथिडव साखांनय जेनानि जाउनाव डे निफ्राय 4-3 सन्ताहसिम शटपुट खुबैनायनिफ्राय जानगारआव थानो सुबुरुन होनायखौ फोरमायदो। भारतनि 29 बोसोरनि तुरआ बावैसो सान सिगांसिम 21.77 मिटार जान्थायनि एसियान रेकर्ड हल्लार जानानै जडमोन। नाथाय सौदि आरबनि महम्मद दाबआ तल'आ थांनाय 21 जुनखालि माद्रिदआव जालांनय एस्टडिय वालेरमस'नि बादायनायाव 21.80 मिटार जान्थायजो

गावनि मुंखौ बे रेकर्डआव थिसन्दो। मख 'नो गोनांदि, एथलेटिक्स फेडरेसन अफ इन्डियाआ तुरनि गोदान जेनानि सायाव मा राहा लायो बेनि सायाव दासिमबो रोखा खौरां ओखारखै। पेरिस अलिम्पिकआव हौवाफोरनि शटपुट बादायलायनाया फेगौ 2 आगस्टआव क्वालिफाइ रउन्डजो जागायगोन आरो फाइनाल बादायनाया 3 आगस्टआव खुंजागोन। थांनाय दानआव एथलेटिक्स फेडरेसननि आफादगिरि आदिल सुमारि वालाआ अलिम्पिक सेम्पियन

जेभलिन खुबैग्रा निरजखौ नागारनानै गुबुन गासैबो एथलीटफोरनि थाखाय पेरिस अलिम्पिकआव दैथायहरनो थाखाय हायुडारि इन्टारस्टेट सेम्पियनसिपखौ 27-30 जुननि गेजेराव खुंफुंगोननि खोथा होनायै बेयाव बाहागो लानांगौखौ गोनांथिथार फोरमायदोमोन। तुरआ थांनाय बोसोरनि गिबि जुलाइ दाननिफ्राय थांनाय 30 जुनसिमनि गेजेराव पेरिस अलिम्पिकनि थाखाय 21-50 मिटार जान्थायनि क्वालिफाइ मार्कखौ मोनफुंनो हायाखैमोन। 2023 नि 19 जुनआव बिथाडा 21.77 मिटार जान्थाय खुबैनायनिफ्रायनो बिथाडा 20 मिटार जान्थायखौ खेबथामल' दांनो हाफिन्दो। एसियान गेम्सनि गलड मेडेलिस्ट अभिनाश साबलेआ हौवाफोरनि 3000 मिटार स्टेपल सेजआव अलिम्पिकनि क्वालिफाइ मार्कखौ मोनफुंबाय।

## पेरा बेडमिन्टन गेलेगिरि सुहास यगिराजआ रेंकिंआव मुलाम्फा मोन्दो



गोदान दिल्ली, 26 जुन: भारतनि पेरा बेडमिन्टन गेलेगिरि सुहास यगिराजआ गोदान फोसावनाय बिडब्लिउएफ पेरा बेडमिन्टन वर्ल्ड रेंकिंआव जौसिन मासिआव जायगा मोन्नायै गोगानाय लाबोदो।

बिथाडा फ्रान्सनि मुंदाखा गेलेगिरि लुकास माजुरखौ गाख्लायनानै मुलुगनि नम्बर 1 गेलेगिरि जानो हाबाय। 40 बोसोरनि अर्जुन बान्था देरहागिरि आरो टकिय पेरालिम्पिकआव एसएल 4 केटेगोरिआव बिमुनि बादायलायनायाव माजुतजो जेनानयनि उनाव सुहासआ रुफानि मेडेलजो नो गोजोनांदांमोन। बिथाडा 60,527 पइन्टजो गिबि मासिआव जायगा मोन्दो। जेराव फ्रान्सनि माजुतआ 58,953 पइन्टजो नैथिआव जायगा मोन्दो। सुहासआ गावनि जाफुंसारनायनि सायाव ससेल मिडिया पस्टनि गेडेजो गोजोनाय फोरमायदो। लोगोसे गावनि केरियारनि हान्थिनायाव मददनि थाखाय सोमोन्दोआव थायाव बरनिसिमबो साबायख 'र हरो। उत्तर प्रदेश केदरनि आइएएस मावख 'गिरि सुहासआ सोलिफु बोसोरनि फेब्रुवारि दानआव इन्डेनेसियानि फ्रेडि सेतियावानखौ फेजेन्नानै वर्ल्ड सेम्पियनसिपनि बिमुं देरहादोमोन।

## सुर्य कुमार यादवआ नम्बर 1 मासिखौ खोमानांबाय

गोदान दिल्ली, 26 जुन: सोलिफु टी-20 वर्ल्ड कापनि गेजेरावनो आइसिसिआ टी-20 नि गोदान रेंकिंखौ फोसावबाय। गोदान फोसावनाय बे रेंकिंआव गोबां सोलाय-सोल' नुनो मोन्दो। मख 'नो गोनांदि, गोलाव समनफ्रायनो नम्बर 1 मासिआव थाबोनाय भारतनि सुर्य कुमार यादवआ गाहाइ रेंकिंआव दावख्लायना फेबाय। बिथानि जायगाखौ अस्ट्रेलियानि ट्रेभिस हेडआ आवग्रिनानै लाबाय। इलेन्डनि फिल सल्ट, पाकिस्तानि बाबर आजम आरो महम्मद रिजवानआबो रेंकिंआव दावख्लायनानै फेदो। ट्रेभिसआ मोनब्रै मासि आवगायनानै नम्बर 1 रेंकिंआव थाहैदो। बिथानि रेंटिआ 844 जाहैबाय। ट्रेभिसआ गोलाव समनफ्रायनो नम्बर 1



मासि मोन्नायनि फर्मआव दंबोयोमोन। जेराव थांनाय माखासे समफोरनि सिगांसो बिथाडा टप-10 नि बाइजोआव दडमोन। भारतनि सुर्य कुमार यादवआ मोनसे मासि दावख्लायनानै नैथि नम्बरआव सौहैबाय। सोलिफु समाव बिथानि रेंटिआ 842 जानानै दड। थामहिनबा गिबि मासि आरो नैथि मासिआव मोन्नाय

सानै बेटसमेनफोरनि गेजेराव 2 रेंटि पइन्टनि फारागथिल' दड। जाउनाव भारतनि सुर्य कुमार यादवआ फिन नम्बर 1 मासिआव सौहैनो नाजाफिनगोन। सुर्य कुमारजो लोगोसे इलेन्डनि फिल सल्टआबो मोनसे मासिनि खहा जानांदो। सोलिफु समाव बिथानि रेंटिआ 816 आव दड। पाकिस्तानि

बाबर आजमआ मोनसे मासि दावख्लायनानै 755 रेंटिजो ब्रैथि मासि मोन्नायनि उनाव पाकिस्ताननि महम्मद रिजवानआ 746 रेंटिजो नम्बर 5 आव दावख्लायनानै फेदो। इलेन्डनि जज बटलारआ 716 रेंटिजो नम्बर 6 आव जायगा मोन्नायनि उनाव भारतनि यसरवी जयसवालआ 672 रेंटिजो नम्बर 7 आव जायगा मोनो। बिथानि उनाव खोला आफ्रिकानि एडेन मेकनआ 659 रेंटिजो 8 थि, वेस्ट इन्डिजनि ब्रेन्डन किंसआ 656 रेंटिजो 9 थि नम्बरआव आरो बे हादरनि जन्सन साल्स'आ मोनब्रै मासि आवगायनानै 655 रेंटिजो नम्बर 10 आव जायगा मोन्दो।

आसाम सरकार

### हादत सिबिसुला तरुणराम फुकन

22 जानुवारी 1877-28 जुलाइ 1939

## हादत सिबिसुला तरुणराम फुकननि गोसोखांथियाव

राज्योआरि थाखोनि

### राइथाय बादायलाइनाय

दालाइ	थाखो	रायथाइनि आयदा	सोदोबनि बांसि सिगा
क	6 थाखोनिफ्राय 8 थाखोसिम	'तरुणराम फुकन: जिउ आरो जौगानाय'	800
ख	9 थाखोनिफ्राय 12 थाखोसिम	'भारतनि उदासि सोमावसारनायाव तरुणराम फुकननि बिफाव'	1000
ग	डिग्री थाखोनि फरायसा	'असमीया थुनलाइसिम तरुणराम फुकननि बिहोमा'	1200

रायथाइ लिरनायनि बिजो- असमीया, वर', इंराजि, हिन्दी, बांला

- गुबुन गुबुन थाखोनि फरायसाफोर लिरनाय साबसिन रायथाइफोरखौ गंफ्रोमबो फरायसालि/फरायसालिमाया जिल्ला बेंगिरिनि मावखुलियाव 'ज'मा होनांगोन। ज'मा होनायनि जोबथा अक्ट' 30 जुन, 2024।
- फरायसाफोरा गावआरि महरे 'ज'मा होनाय रायथाइफोरखौ जिल्ला बेंगिरिनि मावखुलियाव आजावनाय नडा।

राइज्योआरि थाखोनि बे वायलायनायनि देरहासारागोन फेगौ 28 जुलाइ, 2024 अक्ट'खालि गुवाहाटीयाव मिरुआरि महरे खुंनाय 'हादत सिबियारि सान'आव बरायनाय जागोन आरो नोगोद रांजो बान्था गथायनाय जागोन।

गंफ्रोमबो दालाइआव देरहासाराफोरनो होनो गोनां नोगोद रंनि बान्थाफोर

गिबि बान्था 50,000 रं  
नैथि बान्था 30,000 रं  
थामथि बान्था 20,000 रं

★ मोनफ्रोमबो रावनि थाखाय मोनफ्रोमबो दालाइआव 10,000 रंनि 'जर'खा बान्था

फोरमायथाइ आरो सुबुं फोनांजाव बिथोनिगिरि मावख', आसामजो फोसावजायाव Connect with us @diprasam dipr.assam.gov.in

आसाम बातां सावरकाइव खालामनो 7636834943 आव Assam लिरनानै स्वाट्सप खालाम